

平湖縣志人物傳目錄

列傳三

道學

陸隴其 倪淑則 沈宏勳 趙光緒

王素行 金廷煌 陳榮樟 曹宗柱

陸定徵 陸宸徵

孝友

沈昊 沈燮 郭球 過橋

俞永言 沈思孝 秦涇 楊志英

俞懋修子允 昌附 馮伯禔 毛應銓 朱勝忠子順 礪附

馮洪業 曹伯來 陸倣孟 陸士鉉

平湖縣志

卷十七

人物 列傳三目錄

一

顧之琦 湯自梁 金赤 沈心培

徐昱 沈之銳 屈希平 王棟

張友德 陸圻 胡光銓 楊大琮

王瑞林 馮錡 高岱子涵 附 卜源

馬永清 張世昌 張世仁 張鳳池

朱英子鴻 猷附 高沆 張炯 方樹業

吳元凱 陸汝灝 陸朱雲 周師曾

徐天貴 張光獻 朱士坊 伊秋和

江安瀾

忠節

錢燿 黃鎔 劉以焜 劉逢年

張璐

張開元

鄭璠

邵廷模

徐懸堂

黃鵬飛

鍾春田

朱元貞

李五觀

徐錦文

鄭之僑

張培之

張鶴書

戴鑾

汪惠卿

朱希灝

程松亭

陸武曾

黃殿鰲

周家溱

徐汝霖

張憲清

馮元勳

袁景炘

文苑

陳昌

李璧

馮敏効

洪世基

陸基仁

孫宏祖

姚世勳

姚世靖

俞懋敬

沈澣

陸啓宏

趙韓

錢士馨

孫曾楠

俞允懷

陸上瀾

平湖縣志

卷十七

人物 列傳三目錄

一一

李萼

曹隨

王路

王端

許丕祚

倪端

宋咸

陸錫禮

金式玉

許丕猷

戴本

孫之琮

馮秉恭

陳國政

馬廣軫

于琳

柯宏祚

朱之鑑

周宏起

沈日星

陸埜

郭襄圖

趙佃

屠敦增

沈暘

沈峽

鮑駿

陸世來

錢榮泮

錢起隆

沈不負

陸士煒

張家漢

陸攀

戴茂隆

沈季友

過陞

陸嗣源

姚大楨

俞曾模

邵嵩

胡慶豫

胡復均

弟士 附 子 堦

弟 附 士

弟 附 族 弟

弟 附 觀 恆 啓

兄 附 圖 外 孫 鍾 機 光 秘 健 均

子 附 質

子 附 愚

子 附 伯

弟 附 懋 相

孫 附 鍾 駿

子 附 森 和

張 附 鵬 圖

子 附 來 章

子 附 漣

子 附 眉 光

子 附 旬

周 儒 海子均夔附學 陸光曙 姚之揆 俞嶽奇

陸時杰 潘應奎 于東景 兄東附 姚廷瓚

陸競烈 張培源 俞永祺 張在霄

王觀成 弟用錫均附 陸嘉孚 葉之淇 子附映

葉之溶 子均附 陸載崑 弟載附 陸載紀 劉錫勇

沈 燮 子均附 韓戴錦 馮承烈 宋景濂 色黃附王

唐起鳳 附 陸天錫 陸祖錫 張弈樞 弟應均

張雲錦 馬恆錫 馮 錕 馮重華 戈志熙

張景陽 胡霽雲 朱維謹 沈 棠

胡弈勳 郭咫顏 錢德尊 宋景關 附劉暄

平湖縣志

卷十七

人物 列傳三目錄

三

葉 莊 馬 咸 路德成 費鑑如

徐光燦 姪孫附 蔣 元 賈朝琮 子敦均附

沈廷燦 屈宗到 弟宗附 張 誠 孫始然

孫 照 陳 謨 子均附 陸 烜 子坊附 胡之垣

屈何煥 胡昌基 子勝均附 張人棟

孫 熊 孫 燾 姪堂附 鍾 衛 徐夢熊

邵 澍 弟澂均附 陸秉鈞 蔣 殿 王錫圭

張躍鱗 辜典韶 鍾 晉 鄒 璟

陸樹蘭 張達慶 子衷附 屈宗談 子家蓁均附

許 河 馬德音 高登奎 錢祖亮 子祐均

附 周分寶 陸丙章 錢仁榮

俞嗣勳 長弟 嗣均 烈子 附

徐士偉

張金照

方 垆 子 金 附

高一諤 弟 三 附

張湘任

錢天樹

毛 猷

劉東藩

陸錫謨

黃金臺

施 鏗 子 汝 附

沈 筠

陸 鎔

林壽椿

高蘭曾

時 樞

柯汝霖

趙玉鏘

楊懋麇

俞維墉

伊佐圻

馬承昭

陸敦倫

王 均

徐金泰

陳 錦 從子 觀 附

徐金誥

顧廣譽

顧敬脩

顧邦杰

張定閏

鍾步崧

朱錫山

張嘉鈺

江麟瑞

錢祖蔭

方 釗

陳其昌

劉其清

平湖縣志

卷十七

人物 列傳三目錄

四

平湖縣志卷十七

四品銜升用同知平湖縣知縣彭潤章修

人物

列傳三

道學

按宋史創道學傳所以尊程朱諸子也邑陸清獻遠宗洙泗近紹洛閩雍正初

特詔從祀兩廡乾隆間

贈官予諡 累朝龍錫俎豆千秋王志特作道學傳凡邑之門弟子並附於篇今仍其舊以誌景仰先賢之意云

國朝

陸隴其初名龍其

按陸氏靖獻支譜初名世穗

字稼書居泖上世有隱德幼讀

書躬行實踐以聖賢爲己任年四十一登康熙庚戌進士乙卯授江南嘉定知縣嘉定爲瀕海大邑號稱難治俗尚奢侈民多積逋令率坐是落職隴其至歎曰民不輸賦大率以貧也其所以貧風

平湖縣志

卷十七

人物 列傳三

一

俗爲之也譬如少年以遊冶傷其元氣力不能服勞爲父兄者禁其遊冶則元氣自復不禁而予以飲食抑末矣今且不爲飲食而又督過之則官與民俱病固其所耳故其爲治一以鋤豪強抑胥吏禁侈靡變風俗爲主大賈汪氏者素橫行邑中其僕奪賣薪者妻汪匿僕急捕治之以妻還賣薪者而重懲其僕汪大恐令所識探意隴其曰人無不可自新苟爲善卽善矣若平日所爲吾知之毋犯我自新未晚汪感懼卒爲善士市少年十百爲朋以拳勇爭豪鄉黨畏苦之隴其廉得其名不卽捕遇有控者責而械諸門時時勸諭之視其情色果悔則釋不匝月其黨悉解散民有告其子不孝者卽涕泣自訟曰我德薄無以化汝令汝父子至此委曲曉諭踰時其父泣其子亦汪然出涕已而察其深悔乃慰遣之并不

與杖大場鎮有兄貧貸于弟不應輒舁弟資以去弟賄巡檢以盜報則怒日是可以爲盜乎訊之乃其弟婦翁所爲痛懲之因呼其弟日彼兄也乃聽婦翁謂兄盜不悌也答之又呼其兄日汝爲長不自思謀生之策而貸弟弟不應而徑取之陷汝弟不悌是汝不友也亦答之咸感服而退宦家子有罪延其父至堂上而責之曰我與爾父朋友也爾猶子也子弟而不肖不可以不責竟杖之邑胥役以千計惟輸解上官乃遣役絕不令至民間民亦信其愛己不待役至賦稅先期畢集未幾胥役易業自去者過半其存者亦相率告哀日某等知公清慎豈敢有所覬但工食已裁革無所得食業受役不可脫脫亦莫肯代惟公哀之隴其惻然日若亦我民也然無術救汝無已令汝曹得更代如何皆歡然日如是則生矣

平湖縣志

卷十七

人物 列傳三

一一

乃悉爲農賈以自給當直則來于是僅有存者期年政成丙辰冬福建按察使員缺

上命九卿會推天下賢能愛民之官將不次擢用尙書魏象樞舉隴其而是時江蘇巡撫慕天顏方以隴其儒術迂疎非肆應才具疏入告部議引才力不及例降級調用嘉民大駭罷市日號軍門天顏不自安爲具疏請復而部議又引諱盜例落職先是民張與汪以小隙訐訟汪遇盜被傷歸謂其弟日張遣殺我其弟遂以讐殺控隴其疑小隙無殺理而察張亦非殺人者因以是盜是讐未敢遽定報尋獲盜七人讞上部議以隴其初詞涉諱匿引例罷斥人謂隴其盍辨諸隴其日邑有盜長吏固宜有罪且夜半殺人于路果讐亦盜也而我不能斷議黜不枉奚辨爲嘉民益大駭去之日九鄉

二十都民夜半羣呼入邑填滿街衢哭聲震天地及入邸舍男婦萬餘環泣不去者終夜次日四郊各刻木爲位旬日間村各立祠旌幢鼓吹爭迎位于其中旣歸行李蕭然惟書數卷及其妻織具而已故民謠曰陸公歸舟何所裝圖書數卷機一張戊午詔舉博學鴻辭之士郡人工部主事吳源起薦入都會左都御史魏象樞疏論前部議之非

上心領之未幾以憂歸服闋象樞復上疏薦奉

旨復職癸亥補靈壽知縣旣之官視其邑逼近畿輔多徭役地磽瘠水旱頻仍俗强悍善鬪少訟而輕生歎曰民富而後可以教輕生之習禁令尤嚴然未盡絕者民貧而不知義也嘉定可使富而不及爲靈邑又非嘉定比奈何力言於上官非大恤民力不可時派運灰

## 平湖縣志

### 卷十七

人物 列傳三

三

車靈邑以五輛視他邑獨多前令董子祁爭之不得民以病告隴其首以爲請至以去就爭乃得更代邑又北負太行南濱滹沱多不毛之士順治康熙間兩奉

詔盡蠲其徵後言者復申隱地處分例有司畏罪稍稍首報由是倚山瀕河之地間可耕穫者相戒不敢墾隴其下令民墾謂

朝廷決不與爾民爭此毫末之利地方官苟非大貪惡決不勒爾起科以貽爾無窮之害民乃漸有關者終任七年竟無一畝首報邑額丁萬五千有奇前令編審率增丁逃亡死絕不除而攤派包賠日甚隴其謂如是是驅之逃也因以實額報且曰裕國之道惟在恤民逃亡日少則國課日增若目前形勢恐難就筋疲力盡之民責其無缺額也庚午歲大饑奉

詔發粟賑民裹糧驅馳山谷問審其衆寡老弱躬自徧給及去民懷其德

如在嘉定時初江南總督于成龍卒

上臨朝問九卿今天下清操如于成龍者有幾人九卿頓首以七人對隴

其與焉

上又嘗問兵部侍郎李光地曰今天下亦有留心性命之學者乎對曰臣

所知者有山東布政使衛旣齊靈壽知縣陸隴其臣曾見隴其所

著書皆有本之學

上又問隴其居官何如對曰清廉愛民屢經大臣薦舉至是左都御史陳

廷敬復薦有

詔行取來京擢四川道御史遂上疏言畿輔民情

畿輔民情疏臣本外吏荷蒙

臺班苟有一得之愚皆當次第敷陳以仰佐  
顧臣官畿輔者久知畿輔之民情敢先為

皇上聖治之萬一  
皇上陳之畿輔

### 平湖縣志

### 卷十七

人物 列傳二

四

邊山一帶土瘠民貧異於他方荒多熟少自昔而然加以康熙十  
二年以後軍興緊急雜派繁多民困滋甚豐年僅可支持一遇水  
旱流離萬狀幸數年以來 皇上加意撫綏禁止私派不惜  
蠲賑鳩鵠之民得苟延殘喘然以言乎家給人足則尚未也臣觀  
自古豐亨之治皆非一日而成唐虞之世其初亦不免黎民阻饑  
堯舜兢兢業業積久而後烝民乃粒漢自高惠而後多方休養至  
於文景然後天下殷富唐之太宗日夜講求治道至貞觀之末然  
後民食充足今天下平定猶未久也而又疊遭水旱故雖 皇上  
勤恤民隱而百姓猶未免於艱難無怪其然矣求其殷富亦  
無他道惟在 皇上常持此勤恤之心期之以積久而勿責  
效於旦夕恩已厚而不嫌其更厚心已周而不厭其更周則家給  
人足之盛庶乎可望矣至於目前所當議者臣見上年畿輔荒旱  
實異尋常其被災各州縣內雖有未被災之處亦不過稍有升合  
之獲差勝於被災者耳初奉上諭將二十八年及二十九  
年上半錢糧盡行蠲免已經撫臣出示曉諭後因部議分別被  
災州縣中有不被災地畝不准概蠲百姓甚苦撫臣不得已題請  
秋後帶徵地方得以粗安然雖今歲秋收稍稔既徵其新又徵其  
舊臣恐非積貧之民所能堪也雖曰豐年所入幾何穀價又賤其  
值無幾私債之迫索者衣服之典當者已去其大半仰事俯育仍  
憂不足又可責其兼完新舊之糧乎若非 皇上曲加垂恤  
臣恐有司惟知考成之急不顧民力之難勝甚非 皇上陳之  
蠲免之初意此臣所目擊地方情形不敢不為 皇上陳之

疏入

上呼隴其近前曰陸隴其奏章是自作否對曰疏出臣手不敢假人上稱善久之尋奉

詔盡行蠲免時湖廣總督某為湖南巡撫于養志奏請奪情隴其上疏論

之論奪情疏臣辦事衙門聞九卿科道會議湖南巡撫于養志在任守制一事臣以資淺不在會議之列不知所議若何及詢問

與議諸臣謂會議之時昌言其不可者固有其人而依回不斷者比比而是臣竊怪之此明白顯易之事有何可疑而依回若是夫

治天下之不可不以孝易明也在任守制之非所以教孝易明也天下正當承平之時湖南又非用兵之地無藉於在任守制易明也

之中久矣何難一言以直斷其不可耶且臣不知議者以于養志

為何如人如其非賢者耶則固不當使之在任守制矣如其誠賢者耶則必不肯安心於在任守制矣在督臣代為題請或從愛惜

人才起見然臣以為使之解任全孝正所以深愛惜之況皇上一日所行天下萬世奉為法程者也若使一撫臣因督臣之

題請而留將來督撫之丁憂者皆將援此為例其不思僥倖奪情者鮮矣名教自此而弛綱常自此而壞此端一開關係天下實非

平湖縣志

卷十七 人物 列傳三

五

淺鮮至湖南一省之人是則是傲不復知有父母又無足論矣竊以為督臣所請無庸議可也臣不知九卿作何啟奏理應靜聽

皇上定奪但恐眾論參差兩端易淆敢從名教綱常起見少効菑蕘

詔報可辛未夏旱應

詔陳言部議革職奉天安置

上心知其無他特宥之是年冬試俸滿改調歸又一年而卒年六十有三

四方人士聞者莫不傷悼嘉定之民縗經相弔哭于清廉書院中

及至葬門人會葬者皆伴墓三宿而去隴其學本朱子以居敬窮

理為要嘗與睢州湯斌書畧曰孔孟之道至朱子而大明四書經

傳凡經考定者悉如化工造物學者但患其不行不患其不明但

當求入其堂奧不當又自關門戶自陽明王氏目為影響支離倡

立新說盡變其成法援儒入墨以偽亂真天下靡然響應棄規矩

而師心自用比之清談禍晉非刻論也今之學者必尊朱子而黜陽明然後是非明而學術一人心可正風俗可醕也又嘗曰南方有一黃藜洲北方有一孫夏峯皆當世君子然夏峯作理學宗傳混朱陸陽明爲一藜洲學案亦尊戴山太過其論學類如此嘗跋張武承王學質疑自以關姚江之學比于孟子關楊墨于有明諸儒獨心契薛敬軒胡敬齋羅整菴陳清瀾爲學術正宗晚年設教東洞庭山學者從遊日益衆著有讀禮志疑六卷四書講義困勉錄三十七卷讀朱隨筆四卷三魚堂賸言十二卷松陽抄存二卷三魚堂文集十二卷外集六卷附錄二卷以上入四庫全書松陽講義十二卷問學錄四卷禮編四卷戰國策去毒二卷靈壽縣志十一卷衛濱日抄先正一隅集生平坐必端行必莊語必徐以簡燕居齋

平湖縣志

卷十七

人物 列傳三

六

如不苟訾笑天性孝友父標錫歿時隴其方應召都門訃至徒跣奔喪歸孺慕哀泣日夕席地臥期年乃以土坯墊四隅而寢其上所制喪服皆遵朱子家禮性謙謹和厚善氣迎人告戒僮僕亦煦煦若子弟及辨學術是非邪正論民生休戚政事得失又侃侃絕少依回云隴其既卒之二三年春有提督江南學政之

命大學士王熙以病歿對

上曰何故不奏對曰七品以下官向無奏病歿例

上嗟歎良久曰本朝如此人不可多得矣雍正丙午

詔從祀孔子廟庭尋復入祀賢良祠乾隆丙辰

予諡清獻追贈內閣學士兼禮部侍郎

高理學張道學王道學

倪淑則字貽孫歲貢生陸隴其弟子早喪母事父鍾瑞至孝隴其

爲生員時鍾瑞延訓淑則賓主相得甚歡隴其授淑則以小學近思錄等書淑則恪守師說默識躬行又邃於經學生平睦族周貧邑稱長者年七十一臨歿訓子以讀各經註疏朱子綱目語不及

他

陸先生年譜云邑孝廉倪吉甫延先生訓其子淑則館於倪者凡七年淑則得先生指授謹守家法爲及門之冠云張義行

王道學

沈宏勳字又召號紀山陸隴其弟子康熙辛未進士選陝西吳堡知縣先是秦饑發倉粟貸之至是嚴催貸者輸倉宏勳言民困未蘇得緩徵邑去榆林五百里歲運米千石草千束計丁而徵官無典籍以胥吏掌之弊百出宏勳稽核詳密手定一冊無偏累無苛索後令奉爲成法勸開墾勤課試以勞卒于官

高事功張仕績王道學

趙光緒字襄孫陸隴其弟子年十三補庠生第一父督課甚嚴登

### 平湖縣志

#### 卷十七

人物 列傳三

七

康熙辛未進士授陝西寶雞知縣和平寬厚民愛戴之在任八年圉圉時空有趙福星之謠行取未及入都而卒

高文苑張文苑王道學

王素行字繪先陸隴其弟子孝友端重年六十由縣試第一入泮一生然諾不欺講道一宗紫陽以樸實力行爲務隴其歿爲撰年譜若干卷家窶貧能貞苦節讀書西宮不能供藜糗日惟噉粥節屆小雪下體猶著生布敝袴然志益堅令名好爵視之蔑如閭然爲己惟日孳孳年七十餘以攻苦致病卒于道院

張介節王道學

金廷煌字旭昌庠生陸隴其弟子性孝友好讀書經史子集無不淹貫言動輒以古人爲法清獻嘗稱之曰日學者

高文苑張文苑王道學

陳榮樟字楚材廩膳生陸隴其弟子性孝友敦族誼有前輩典型以曾孫嗣龍封翰林院編修

王志云三魚堂日記辛未四月同邑沈宏勳趙光緒來學又長泖陸子年

譜壬申歲同邑來執贄者有王鴻志陳榮樟陸律金廷煌四人今王鴻志陸律舊志不載行事莫考其餘諸人舊志有失載其為清獻弟子者皆補纂入原傳中張孝友王道學

曹宗柱字星佑庠生陸隴其壻學于隴其力行孝弟精研理學參訂三魚堂諸書及隴其歿與宸徵金山李鉉亦清壻同輯年譜嘗語

其子煥謀曰年譜不但序述先生出處蓋道統之傳於是乎在三人成此書一以朱子年譜為式庶幾就正有道君子可以無憾

耳後吳光酉重加編次嘉興府知府吳永芳序而梓行張誠當湖私淑志清

獻年譜一撰自清獻子宸徵與其姪禮徵嘉善周梁好生氏參訂曰長泖陸子年譜一撰自宸徵與其壻李鉉曹宗柱一撰自門人王素行康熙戊戌吳光酉始編次宗柱三人所撰本郡守吳永芳序而梓之曰陸侍御年譜雍正己酉光酉重輯增入三魚堂日記中語敘次加詳曰陸稼書先生年譜乾隆丙寅儀封張師載重訂曰陸子年譜壬申金山楊開基復即陸侍御年譜舊本增入從祀晉爵錫諡諸典曰陸清獻年譜皆梓行世今周好生所輯尚有鈔本王素行本則久散佚矣高行誼王道學

### 平湖縣志

### 卷十七

人物 列傳三

八

陸定徵宸徵定徵字儼若隴其長子少有志操勉力向學經史制義皆能通貫隴其嘗曰長兒如吾法漸通文義四書本經之外以次讀詩春秋三禮國語國策史記漢書韓柳歐蘇之文涉獵通鑑綱目性理漸知聖賢門路矣及卒隴其念其學之幾于近道深痛悼焉宸徵字直方隴其次子監生性醇謹隴其歿論次行事撰年

譜若干卷詳曹宗柱傳王道學 王志成前志所載師事清獻者尚有陸奎勳陸攀俞景模陸其暉四人然

清獻年譜三魚堂日記敘次及門甚詳並無四人其他著述參訂姓氏中又無其人今不敢濫入並于諸人本傳中刪去前志師事之說免致事之說免致曰後傳誤

孝友

按史傳孝友取其至性所激有足感天地動神明者邑境未析以前過孝子其最著已後亦代不乏人茲錄其榮膺

旌表及天性純篤者並著於篇

明

沈昊字孟暉珍長子倜儻有幹局性孝友奉諸母比於所生撫異母弟妹無間同母有弟孟暝以誣被逮昊挺身代行械至淮上會淮撫雅重昊一見大驚立奏釋之同逮者皆賴以免庭中嘗產瑞竹一本兩幹柯葉亭亭咸謂孝友之感時邑初析倡議捐建學宮

事詳陸珪傳

程尚義朱尚義高行誼張孝友王孝友

沈燮字泰夫號寶山天順時人父標以資豪閭里獲罪論死燮徒步走闕下抗疏訟冤拘圜者八年疏七上乃得請而歸甫至吳門計詰旦獄且決號泣祝天大風忽起一夕抵武林雨甚燮虞辨

平湖縣志

卷十七

人物 列傳三

九

揭之朽也頂黃袱懷綿紙百張爛輒易之巡按感其至性減父死

流嶺表後以赦還人稱燮為孝子

朱孝友高行誼張孝友王孝友

郭球字友虞母陳氏蚤孀兩目皆瞽球以舌舐目漸明嘉靖間倭入寇負母逃中途寇至欲刃其母球以手搏之兩臂受刃血濺襟

裾會縣尉率兵至突圍而出母亡廬墓朝夕哀慟有烏數百巢其

樹人以為孝感天啓間詔旌之有舜鳴集孫紹儀有傳

程孝友朱孝友高行

誼張孝友王孝友

過橋號龍濱孝子宗一七世孫少孤事嗣母至孝所得嗣產悉推與弟年四旬舉明經冠兩浙以母老朝夕承顏竟不赴廷試母病

輒焚香刺股未逾年而終萬歷間與宗一建雙孝坊

程孝友朱孝友高行誼張

孝友王孝友

俞永言字懋孝馬湖知府南金少子諸生南金早世生產蕭然與兄敷言篤志績學自相師友母病皇皇醫禱願以身代母亡以兄爲家督事無大小稟命唯謹兄嫂繼歿撫姪不異己子教育成立

程孝友朱孝友高行  
誼張孝友王孝友

沈思孝

朱高作  
恩孝誤

諸生家貧竭力孝養父患疽口吮之立愈母瞽昕

夕籲天目復明母亡會葬大雨如注禱城隍廟遂霽克葬人以爲

孝感所致

程孝友朱孝友高行  
誼張孝友王孝友

秦涇字汝清幼喪母哀毀不勝服除像事之如生及事繼母失愛

涇事之益謹撫異母弟尤篤卒回母心父臥病

按程志作繼母  
病今從朱志

鄰

火及臥所涇扶舁莫及叩頭籲天風返火滅父歿廬墓終喪知府

鄭登高以聞未報而卒

程孝友朱孝友高行  
誼張孝友王孝友

平湖縣志

卷十七

人物 列傳三

十

楊志英邑生母吳沈疴數載侍湯藥衣不解帶母既歿哀毀骨立

終歲偕父寢非再三命不就私室家貧同婦食糲供甘旨館穀悉

進父疾溺器穢衣手自澣滌在疚之日哀號嘔血感動鄰里後

無疾端坐而卒

程志云英嘗遇異人授養生法亦精岐黃術至老  
善飲嗽無疾一日晨起盥櫛畢曰吾逝矣遂卒

程孝友朱孝友高行  
誼張孝友王孝友

俞懋修庠生少有躄疾父母嫌之娶婦戈頗令淑而嫂酷妬百計

搆之父母愈不懌乘父出挾姑威錮兩人別室絕其飲食伯母姚

陰佐兩人出僑寓武塘集里中兒授句讀婦縫紉以支旦夕顧時

時念父母不置相對歎歔曰甯死膝下耳懇族人爲請於父父稍

悟得返母亡嫂筦家政進食皆粗糲父不堪下箸懋修與婦更烹

鮮以待尋爲人後常迎養父父益悟欲奪兄所侵嗣產歸之懋修

號泣牽裾陳不可亡何父與兄嫂相繼亡懋修擇地築土并兄嫂  
祔葬於旁兄子多外侮力庇之兄子死撫孤寡倍至子允昌語及  
父母事輒泫然流涕

程孝友朱孝友高行  
誼張孝友王孝友

馮伯禋字欽仲敏効次子萬厯丙午應天舉人少稟至性嘗斷指  
療母疾本生母沈卒伯禋嗣叔父敏勛例不守制泣曰伯禋何忍  
獵名忘母遂不赴舉嗣父沒後當析產則曰爲人後者以苦塊爲  
市乎不受與兄伯禎友愛甚篤撫孤姪不啻己子著有虛舟蓬門

諸稿

程篤行朱孝友高行  
誼張孝友王孝友

毛應銓字元衡號念軒萬厯甲午舉人幼有至性家貧父病晨起  
赴塾必以父藥餌絮語家人灑淚而出暮歸同父臥抑搔疴癢衣  
不解帶事母如事父朝夕承顏務得歡心爲諸生時凡館穀所入

平湖縣志

卷十七

人物 列傳三

十一

悉以與兄丁母艱廬墓三年哀毀骨立謁選署安吉教諭以德誼  
相矜飭陞國子監學正遷禮部司務仕宦十年居無一椽至老猶  
與兄同居不分析子湛有傳

程篤行朱孝友高行  
誼張孝友王孝友

朱勝忠字守礪爲鄉里師萬厯戊戌母患病奉湯藥未嘗就寢後  
嘗糞知病殆乃告天割股著有勸孝歌唾餘草舉鄉飲賓子順礪  
躬耕奉養天啓辛酉從父往山陰白楊里省墓遇盜以身蔽父願

代受刃盜兩釋之

當湖  
外志

馮洪業字茂遠萬厯乙卯應天舉人性至孝父伯禮卒於燕洪業  
徒跣奔喪扶柩歸事母查氏能養志母臥樓燬冒烈焰負母出倉  
顛俱焦母病劇指以療里中咸稱孝子所著有易羨睡菴六書又  
集古今成編分類纂次日耘廬彙箋凡千有餘卷未及刊而卒

朱志云洪業世家子豐于財嘗營北郊別墅曰耘廬疏池築山林木幽勝中構曲房邃閣百十間引水環之集名士日賦詩飲酒其中望者以為神仙性尚義輕施與嘉平二邑學宮圯各捐千金助鼎新費又捐田惠宗族供祠祭修築漢塘五十里行旅便之他如賑饑療疫舍櫬櫃衣帳不可勝記晚好養生與前御史郭紹儀講修煉術 朱孝友高行誼張孝友王孝友

曹伯來少負雋才九歲喪母事父孝父歿妹纔數月撫育遣嫁踰

於已女兒沒遺資厚無嗣伯來仲子應繼覘嫂意他屬欣然讓之

及嗣子中落歲具薪米贍嫂以終其身 朱志云伯來嘗道經平望客王姓者風覆舟伯來以

舟援之亟棹去追贈千金弗受省試乙榜者四竟以諸生終 程孝友朱孝友高行誼張孝友王孝友

陸倣孟字泗臣邑生營父窀穸於馬鞍山 按張志作龍尾山誤 為豪所發倣

孟薙髮毀容誓不俱生獄具後讞駁漸減倣孟伏闕抗疏詔下法

司案驗得實置豪重辟人稱為陸孝子 乍浦志云子雲林字次飛邑生康熙庚午鄉試擬元

場中火發焚其卷竟不售云 朱孝友高行誼張孝友王孝友

### 平湖縣志

### 卷十七

人物 列傳三

十一

陸士鉉字古雪八歲能詩性至孝母喪水漿不入口以歲薦授錢

塘訓導甲申聞變大慟絕粒死有蠹嘲餘集 朱忠節張忠臣王孝友

按士鉉乾隆年入忠義祠宜列忠節傳今從王志例編列於此

顧之琦邑生父其志臥病三載之琦侍湯藥寒暑弗歸私室父歿

哀毀不食者三日歲乙酉被兵母曹氏年八十五艱於跬步之琦

守母不去身被數創而卒 朱孝友高行誼張孝友王孝友

### 國朝

湯自梁字維京順治丙戌舉人年十二母沈病割股肉入藥乃愈

家人無知者久之痲露父紹祖戒之曰非中道也然心愛之伯兄

茂先遺孤在襁褓撫之成立仲兄元纘喪明歲奉薪水以贍鄉黨

義之 朱孝友高行誼張孝友王孝友

金赤字如斗事母孝家貧竭力甘旨進必手奉母意有不懌卽長跪請罪命之起不敢必得母一笑乃起當長跪時鄰里顧視竊笑赤自若也有二女母以意字人而其家貧甚不能舉火赤戒其女

終身無怨言

朱孝友高行誼  
張孝友王孝友

沈心培字存齋庠生父熙性嚴卞雖晚年舉子不少姑息心培受室後猶時受杖里黨稱純孝敦行力學試必前茅家貧授徒以奉親遭母喪大慟嘔血不止而歿年三十四

張孝友  
王孝友

徐昱字耘中庠生父署丞振歷尚義好施致赤貧昱性純孝勤苦供親父病顛天割股及歿哀毀屢濱於死母患脾症晝夜侍躬滌垢穢延醫墮水聞神人呼救孝子負土築墳十指俱裂撫兄子踰於己子年七十餘無病端坐而逝

高行誼張孝友  
王孝友

平湖縣志

卷十七

人物 列傳三

十三

沈之銳字鈞奏父明經起雷沒於徐溝訃至之銳哭而疑遽踊身欲飛竟入水救起成癡病父柩歸癡少間云母在未從父於地下及母病衣不解帶者七十日母亡號哭不止忽失聲仆地血淚染衣襟袖俱深赤左目遂失明曰吾得侍父母矣勺水不入口旬日

卒

高行誼張孝友  
王孝友

屈希平字又原諸生父思恩卒希平甫弱冠居喪盡禮既葬廬墓三年母歿亦如之事兄以恭一邑咸推孝友雍正丁未以孝子題

旌

按浙江通志又稱希平周恤族黨無倦色水旱出粟賑濟冬月施襦死不能斂者施棺云云因入義行門然係

勅旌孝

子自當列孝友傳  
高行誼張義行王孝友

王棟字旣昌監生年十二遭母喪呼搶號泣父病躬親湯藥衣不解帶者彌月日禱神前願以身代及歿哀毀骨立死而復甦盡力

殯葬廬墓三載又善事繼母與弟穉不析爨視姪如子雍正丁未

以孝子題

旌

高行誼張孝友王孝友

張友德字淡中貢生誠孝事親色愛靡間親病躬嘗湯藥及卒哀

毀骨立廬墓三載有木成連理之祥每遇忌日號泣若居喪仲兄

出繼以本生產業義讓子姓貧乏者曰是我先人所遺也閭里稱

焉以子逢年贈知府

張孝友王孝友

陸圻字近虞庠生父母歿年十五圻率弟四人日聚一樓苦志力

學相繼入庠叔士琰歿於京師叔母滯山左圻扶柩奉叔母歸經

喪恤寡不憚拮据為諸弟擇配成婚自憾失養終不娶

高行誼張孝友王孝

友

胡光銓字以鈐號衡臣監生幼喪父母哀毀如成人既葬日則歸

平湖縣志

卷十七

人物 列傳三

十四

家奉侍祖母晚奔廬墓下一邑稱孝子捐祭田為合族倡有叔病

劇以子女託之光銓悉心教養歷年產所入為廓置田畝婚嫁畢

并所贏餘籍以授焉子紹高紹安有傳

高行誼張孝友王孝友

楊大琮字紹春髻年失恃色養繼母陸盡孝繼母病常在床褥大

琮衣不解帶顛天願以身代卒不起一慟幾絕嗣是遂得怔忡疾

比鄰失火延燒家人悉逃避大琮撫棺長號誓俱焚火騰屋旋息

人謂純孝所感未幾以疾卒年二十八

張孝友王孝友

王瑞林目不識書負販養親母病醫藥罔效割左股以進得瘳未

幾父病復思割右股或謂年邁非股肉可救宜嘗糞糞苦則生乃

伺父便取嘗味甘惶遽無措親歿復歲稔倪進士見龍賻其喪瑞

林感激後倪作令誥誤徵及家屬瑞林請代訊或謂之則曰吾以

報葬親大德也雖死不怨繫獄數載乃得歸年八十餘卒

張孝友  
王孝友

馮錡字爾調生有至性父堦侯選州同知客死大同幕錡聞號泣  
奔赴既至一慟幾絕勺飲三日不入口雲中目爲馮孝子扶櫬歸  
徒步走數千里遇崎嶇必號泣扶挽櫬行例不入旅店每夜露宿  
柩旁既歸葬一慟而絕乾隆癸亥以孝子題 旌子溥爲刊孝蹟

編 張孝友  
王孝友

高岱字礪山侍郎士奇孫編修輿子侯選州同少隨祖父居京師  
工詩善書個儻豪邁名公卿咸以大器目之康熙丁酉父卒於官  
岱哀毀成疾幾不能治喪蒙

恩垂問大臣以病對乃

詔高衡赴京供職岱失恃事繼母以孝聞初聘王氏卒不再娶側室樊生

### 平湖縣志

#### 卷十七

人物 列傳三

十五

四子著有金臺小草瓶廬詩稿以次子澍 贈修職郎三子涵字

淵衷太學生生姿敏達精於賞鑒性好施嘗司同善會事絀於資

卽以己資佐之

路志

卜源字蒼文諸生原籍秀水父寅中生子三伯季皆不善治生產  
父嘗以爲憂父卒既葬源悉以田廬讓兄弟奉母曹遷平湖授徒  
奉養曲盡孝道雍正六年

詔舉孝友盧生甫欲以源薦力辭一日無疾卒

路志

馬永清張兜坊民天性純孝家貧賣菽乳養母惟所欲母卒哀毀  
骨立朝夕奠勸侑如生時繼以孺子泣及葬露宿原野不避雨雪

里人稱馬孝子

路孝友

張世昌字振西號敦坡監生八歲喪母哀痛如成人後事繼母能

得其歡心鄰不戒於火延燒寢室母方臥病世昌於烟燄中力扶以出不兩月母卒世昌方染危疾一慟幾絕自是朝夕侍父側父病衣不解帶者四閱月父愈而世昌疾作遂卒嘉善曹徵士廷棟以楹聯輓之曰平生得意惟詩卷到死難忘是孝心可以知其概矣與弟世仁友愛無間倣二蘇彭城約繪對牀圖工詩著有數坡詩鈔行世乾隆戊申以孝子題 旌 路 孝 友

張世仁字元若號香谷性至孝以父老偕兄世昌左右侍奉終身不遠游怡怡手足相約畢生不析爨時有脊令來巢之異人以孝友稱之工詩善書尤精於弈兼通醫理著有香谷詩鈔及弈譜行世 路 孝 友

張鳳池字福謙父病刲股以進遂瘳親歿廬墓人稱其孝 路 篤 行

平湖縣志

卷十七

人物 列傳三

十六

朱英字含叔號葯房監生由桐鄉遷平湖性好施與重然諾工詩文鄉試屢薦不售游京師一時名公卿多器之後仲兄蜀獄事起株累同產英以伯兄華未有子乃免華於難挺身赴蜀長繫三十七年乾隆甲辰

特恩釋歸年七十二矣旋卒著有史山樵唱子鴻猷字仲嘉號薊圃桐鄉庠生生八歲而父構蜀難刻苦讀書事母盡孝稍長工詩文善鑿古餘藝及醫理星家言既入學卽入蜀省父歸而卒年僅四十二著有雲谷書堂吟稿見山樓書畫錄命學準繩養生必讀等書 路 孝 友

高沆字蘊沖號秋艇太學生侍郎士奇曾孫州同岱子少病咯血性孝友事親廁踰必躬親之父沒十餘年孺慕不衰仲兄澍知靖

邊縣卒于官聞訃力疾往扶櫬歸行棧道中車軸折墮深谷車敗  
羸斃嘔血數升卒無恙咸謂有神祐也恤兄兩孤備至生平樂成  
人善多義舉工詩尤善繪事著有浣花居吟稿秦中草

路孝友

張炯字詠賢廩膳生性至孝母沒痛哭嘔血絕而復蘇者再父病

篤嘗刲股以進友愛兩弟終身不析箸生平嗜書若命寒暑抄撮

不輟惜年未艾而卒

路篤行

方樹業字載旂乾隆癸卯副貢出嗣其叔父孝事母劉氏及本生

母陸氏年十四劉病篤樹業禱神兩月無虛夕病霍然愈而樹業

已兩鬢華耳重聽矣及卒號慟淚爲之枯卒年六十三嘉慶己卯

旌

府于志孝友

吳元凱字杜卿二品蔭生璫子生母周氏早卒母錢氏撫之成立

平湖縣志

卷十七

人物 列傳三

十七

母素膽弱雷雨之夕輒侍側不去母病劇虔奉湯藥衣不解帶者

累月坐是得咯血疾母亡哀毀咯血益甚旋卒距錢氏之沒纔十

日嘉慶庚午

旌 府于志孝友

陸汝灝性至孝祖母父母卒值冬月營葬積雪厚數尺汝灝身率

傭人輦土手裂出血漬麻衣皆紅旁人爲之感泣嘉慶庚辰 旌

府于志孝友

陸朱雲字雲駿夢求子事父母孝自幼能先意承志爲里黨所稱

父疾革時刲其臂和藥以進創過深數月亦歿年二十四

府于志孝友

周師曾事母孝母病富股和藥以進母竟不起越二年師曾亦卒

府于志孝友

徐天貴生有至性父爲水師營百長嘉慶初巡哨出洋遇蔡匪黨

傷刃而亡天貴因求入營從帥巡緝遂得父骸骨歸事母至孝母歿後不數年亦死

府于志  
孝友

張光獻字雲標天性孝友鄰人不戒於火延及光獻居急掖其病父出火勢彌熾復從烈焰中翼祖母俱出然已傷於火遂得咯血症嗣因母病衣不解帶者三十餘日疾愈劇母卒一慟而絕年僅

三十七

府于志  
孝友

朱士坊字嘉言號吟橋精岐黃術性至孝嘉慶壬戌正月鄰不戒於火雙親俱酣眠不覺士坊負父從樓縋而下復於烈焰中負母由傍戶而出俱得無恙火旋熄兄弟四人士坊序居其次兄歿後撫姪如子年十二時定姻梅氏越一載而氏歿遂立志守義誓不

復娶咸豐丙辰題

旌 木雞書  
屋文纂

平湖縣志

卷十七

人物 列傳三

十八

伊秋和字耀文號蕙圃嘉慶己巳鄰有喪焚紙錢餘火橫飛流及於秋和積薪之屋俄而火烈時秋和侍母於樓火延及母命之去秋和持母號曰兒不忍也卽於烈焰中負母登屋旁趨鄰屋見者與之布縋母而下已則攀援而下皆免母幸無恙而秋和病矣逾

年卒光緒壬午題

旌 抱璞亭  
文集纂

江安瀾字厚齋諸生鍵戶讀書事孀母篤行孝道出入必告暇時復說古書以娛老冬夜家人失火從烈焰中負母以出體素羸自此得咯血症未及彌月而卒

新纂

忠節

按王志忠節諸人編入列傳路志亦仿其例茲不妄為更移惟粵匪之難殉者數千百人其姓氏備詳殉難錄謹擇其死節之尤著者詳載於篇

錢燿字霞生監生工花卉求畫者盈門咸豐庚申七月十五日城陷賊至其家迫之降不從以槍刺胸死妻高氏大罵賊賊斫之越三日死從女大寶亦斫死明日賊又至燿嫂俞氏及從子寶瑚寶瑚妻朱氏從孫女三大寶皆赴水死從孫大觀生纔七月俞氏抱之赴水浮而不沈賊去猶呱呱泣人取而哺之卒以無乳死燿嫂丁氏挈婢阿彩走賊執之丁被數刃月餘死賊欲污阿彩阿彩奮拳擊賊賊怒磔之燿一門之中十人殉節平邑忠義當首推錢氏焉事

聞卹雲騎尉世職

忠義紀  
畧纂

平湖縣志

卷十七

人物  
列傳三

十九

黃鎔字子鶴邑廩生為人謹厚篤實有聲庠序間從遊者甚衆歲科校冠軍者再踏鄉闈者十三次終不售咸豐庚申邑城陷賊至其家索金鎔詭云在樓上賊釋之鎔即躍入河賊以篙攢之遂卒

忠義紀

畧纂

劉以焜號杏芬邑庠生成豐庚申城陷賊至欲劫之以焜適大醉拍案大罵曰昔李闖張獻忠橫行天下卒皆破滅若等所為綠林伎倆耳曾反賊之不若意欲何為賊不解所謂燃銃擊之仆而死

忠義紀  
畧纂

劉逢年原名鴻勳號竹橋邑庠生成豐庚申年已六十七家貧授徒郡城陷或勸之遠避逢年笑曰賊來則死何避焉及邑城陷或又勸之去逢年謂妻顧曰吾將死爾其奈何答曰與子偕死是夕

皆投水死 忠義紀 畧纂

張璐號雲帆邑庠生生平言動不苟有古人風咸豐庚申城陷賊至其家璐年已老正襟危坐責以大義賊氣奪一賊刃其手指落

赴水死 忠義紀 畧

張開元號子方邑庠生咸豐庚申八月城再陷賊劫之至郡堅不肯降賊怒剖其腹事

聞卹贈雲騎尉世職 忠義紀 畧纂

鄭璠號小宋素性簡傲人以迂腐目之咸豐庚申城陷罵賊而死

死甚慘 忠義紀 畧纂

邵廷模字又新以販布爲業咸豐庚申八月賊劫至郡城東會龍山廷模憤罵不止遂遇害妻子聞之皆自盡

平湖縣志

卷十七 人物 列傳三

二十一

賜卹如例 忠義紀 畧纂

徐懸堂賣藥於新倉咸豐庚申賊至懸堂呼其鄰周全信曰來來吾與汝殺賊去言未絕賊已至前懸堂罵曰爾等皆賊耳吾誓殺

盡爾等奮力擊賊一賊以槍刺其脅一賊發銃中其喉遂死 忠義紀 畧

黃鵬飛字健凌號曉嵐道光甲午舉人咸豐庚申賊擾平湖鵬飛糾鄉子弟相保聚海濱次年春平湖乍浦均失守賊東掠團練不

能拒鵬飛散衆家居晨夕叱咤憤恨欲自盡家人密防之僞官某駕詞恫喝不爲動死志益決忽一日他出不歸蹤跡之數日里人

來告則獨居空室中絕粒將死子福增趨視之氣已絕孫鍾駿年十一倉卒遇賊卽投水賊曳出挾之去其後三逸三被擄卒投水

死鵬飛事

聞卹贈雲騎尉世職 浙江忠義錄

鍾春田里社守禦為團長趙家橋周圩廣陳之役皆從擊賊有功  
子森和戰死廣陳咸豐辛酉春田匿村舍土寇張福興陰 賊賊  
搜得殺之虎嘯橋暴屍市上 浙江忠義錄

朱元貞咸豐辛酉賊陷邑城元貞日命三子習擊刺欲殺賊賊至  
甚眾或以不敵勸之避元貞不許曰吾今日誓不與賊俱生獨身  
挺矛前遇六賊格鬪數武間血濺地赤遂敗賊元貞猶植立不退  
賊隊踵至叢刃刺之死 浙江忠義錄

李五觀佚其名率百夫戰賊於新倉既敗五觀與其友殿為賊縛  
去支解之鎮人賴五觀一戰遏賊勢得盡逃死死者五觀與友僅

兩人焉 浙江忠義錄

平湖縣志

卷十七 人物 列傳三

二十一

徐錦文號翰香少讀書性椎魯年四十始入泮咸豐辛酉乍浦陷  
避難清溪賊至被脅行至橋躍入河賊怒刺以槍溺而死 忠義紀畧  
鄭之僑字隅齋邑廩生工制藝試輒高等從遊者極盛為人內介  
外和而嚴於省察著有課餘自省二卷咸豐辛酉遇賊全公亭脅  
降不從賊怒割其耳月餘死

卹贈雲騎尉世職 府許志 孝義

張培之號印古增廣生咸豐辛酉秋避亂至沙灘賊至培之率鄉  
人作擊賊狀賊不敢前忽有數人疾走賊乘之培之遂被數刃未  
幾卒張鵬圖號夢庚廩生與姪培之偕行猝遇賊亦被殺於沙灘

卹贈雲騎尉世職 忠義 紀畧

張鶴書字吉峯附貢生咸豐辛酉避難於馬沈坊與友人談及時

事輒曰吾惟祈速死耳暇卽袖出其母之詩與已所爲詩諷誦不  
輟若不知其身在患難中也賊將至人勸之他往鶴書曰我能往  
寇亦能往何逃爲俄而賊至鶴書與子濟美俱赴水死

忠義紀  
畧纂

戴鑾字湘帆監生子五人咸豐辛酉賊踞新倉一子已先死三  
子死於賊次子庠生寅清復被擄鑾孑然一身飢寒交迫或勸之  
從賊鑾怒曰吾甘餓死決不從賊生也時僞鄉官某其鄰也招之  
掉首不顧後竟餓死

忠義  
紀畧

汪惠卿佚其名兄弟四人獨惠卿善事其後母咸豐辛酉秋兄弟  
奉母避賊於沙灘賊至母曰四子同死無益急避之惠卿曰弟輩  
挈妻妹去我家子也義當養母我生死與母共之八月被擄賊以  
其重聽縱之歸仍侍母側明日往田間拾粟供其母至晚不歸或

### 平湖縣志

#### 卷十七

人物  
列傳三

一一二一

告母曰爾子死於水矣母往視之果然蓋肩以下被七槍焉

忠義  
紀畧

纂

朱希灝號又梁監生性簡靜好詩文晚年究心青烏家言其論地  
以大易六十四卦爲主咸豐辛酉避居東馬橋民家賊至被害

忠  
義

紀  
畧

程松亭佚其名咸豐辛酉賊脅之降松亭曰欲殺便殺欲吾從賊  
決不能也賊斫之死子二倌在旁哭且罵賊又斫之沈於河

忠義  
紀畧

陸武曾少無賴好賭博剛不爲人下邑城陷土寇蜂起世家子某  
素好勇集團防鄉里招武曾共事屢與賊遇有功久之賊大隊至  
衆潰武曾亦走海濱同治壬戌賊勢益張世家子爲僞官所得作  
書招武曾給以再集團練武曾歸知爲所賣匿不出已而蹤跡得

之僞官某堅欲其降武曾不屈世家子慙惠之武曾怒曰官人可降我陸武曾不能屈也僞官知終不爲用乃殺之於新倉東市其

友吳某竊其屍座焉

浙江忠義錄

黃殿鰲武生嘗隨鵬飛擊賊於廣陳周家圩陷陣有功團練散殿

鰲避韓家廟賊蹤跡得之頻苛索妻張氏殉節同治壬戌殿鰲猝

遇賊脅降不從見殺

浙江忠義錄

周家溱號雲樵歲貢生工制藝爲人甘淡泊忍嗜欲潔身自好足

爲後學矜式同治壬戌避地南牛場有友某來訪談論間似爲賊

黨所惑家溱面折之友感悟去夏間賊大至家溱被害於獨山之

麓妻與一子皆餓死

卹贈雲騎尉世職

忠義紀畧纂

平湖縣志

卷十七

人物 列傳三

一一二二三

徐汝霖號雨廬邑庠生同治壬戌賊至脅之降不從割其右耳後

賊又至持刀索金汝霖曰死則死耳金不可得也賊刃其頸逾時

死

卹贈雲騎尉世職

忠義紀畧纂

張憲清

府許志作憲瑾

號蘭畦監生壬戌秋周圩賊退憲清曰望官軍來

俄聞鎗聲以爲官軍也喜極出視則賊已至前執而索金憲清出

袖金擲之河罵曰我金豈以資盜賊哉賊怒斫之死子桂星年十

忠義紀畧纂

二哀毀如成人不數日卒

原本作福謙誤

馮元勳

原本作福謙誤

號曉春邑庠生家貧避亂鍾埭戚某勸之從賊元勳怒曰余豈與豺狼爲伍耶掩耳而走某給以衣食亦不受又數日某誘至賊卡令佐文案又力拒之賊怒拘之不食死

卹贈雲騎尉世職 忠義紀 署纂

袁景炘字昱初少孤習賈於禾遂家焉兄金燧幕遊江西客死挈  
兄子扶櫬歸獨任喪葬并以夙受嗣產田宅畀之自甘貧窶不以  
介懷粵匪陷郡城闔門殉節

賜卹如例

府許志 孝義

按平邑殉節諸人其事蹟大畧相同不能一一詳記另刊殉難  
錄以昭詳愼是編所錄僅二十餘人皆已見於浙江忠義錄忠  
義紀畧及府許志等書其餘得諸傳聞者概未錄入

平湖縣志

卷十七

人物 列傳三

一二十四

文苑

陸文之為用大者經世次者華國而詞章其緒餘也邑如其曾任職官編列前卷今仿王志之例凡窮而著書之人列為文苑並載其書名卷帙而工制義者亦間附焉

明

陳昌字穎昌號菊莊景泰間庠生有詩名與里中沈石窗兄弟交

善石窗目為畏友所著菊莊集今無傳其詩僅見朱翰所輯樵李

英華才思藻麗長於七言海鹽徐豐厓詩談稱為名家

稿李詩繫我郡自清

江巽隱後風雅衰落二陳二李之餘無聞焉至正統天順間而始盛一時如陳菊莊外嘉興有姚穀菴海鹽有張方洲嘉善有周桐邨皆卓然大家也菊莊我里先哲惜其集不傳僅從樵李英華錄若干首窺其一斑已足俯視流輩予輯是編遍搜遺稿大抵所傳者多科目中人至於恨人畸士山夫野叟半就湮沒數年來悉力采之一以表微為務古人云非作之難傳之難信乎

文苑張文苑王文苑

李璧字少白庠生有文名與茅見倉瓚輩為雲居十才子之一後

平湖縣志

卷十七

人物 列傳三

一二十五

以事下獄茅屬提學孔文谷出之惜無遺文可傳其死節李斷女

卽璧之姪女也

作浦志明代乍浦秀民入庠者自璧始璧有姊嫁海鹽劉東靈東靈死貧無依璧迎養終其身

文苑高文苑張文苑王文苑

馮敏効字忠卿號季山揚州同知汝弼次子貢生少善屬文七舉

不第杜門著述工詞賦大小行書日置酒集故人詞客更製新詞

佐之嘗渡江中流被風舟幾覆賦詩自若所著小有亭集三十卷

字學史纂各一卷子伯禎字正伯亦工詩有青陽集

稿李詩繫初汝弼與諸子

避倭假宿東園因析二字作口號云曲川地可耕長刀砍低樹元來腹有文軍口三十去令諸子合之敏効年十五應曰是勦寇二字明日得報大捷

洪世基字爾濟

朱志作弱生誤

生而奇穎六歲能屬文萬曆庚子舉於鄉

日扃關手一編校閱歲時伏臘都忘郡邑長吏絕不通謁生平無

中人產口不言財利丁未計偕復落乙榜有十八房衡明文檢諸

選海內稱之

程文學朱文苑高文苑張文苑王文苑

陸基仁字元卿監生篤學不倦嘗師事袁了凡得其穎悟所著易

元尚書傳鉢詩說纂元禮記道窾春秋刪補胡傳史記寶鏡諸書

朱文苑高文苑張文苑王文苑

孫宏祖字令宏刑部尚書簡肅植孫監生少負軼才與陸澄原趙

韓陸啟浹馮洪業諸人結詩酒社為人骯髒岝嶸不為世所可文

詞多詭聞異藻幽踪獨韻感慨淋漓自比於怨姬思婦詩善五古

著有樸語影語可笑言諸刻子愚公字伯愚亦能詩有惜誦集

朱文

苑高文苑張文苑王文苑

姚世勳字元仲天啟甲子舉人甲申後隱居專心易理晚歲家益

### 平湖縣志

#### 卷十七

人物 列傳三

一二十六

落講易城隍廟暇以弈酒自娛著有易剩講義

朱文苑高文苑張文苑王文苑

姚世靖字子清號藥師幼孤事母孝居廣陳遊學華亭為華亭生

員授經陳海士門下崇禎壬午後息意仕進栖隱南溪書屋樂貧

教子為詩秀逸一空俗調有翠樾軒稿

朱文苑高文苑張文苑王文苑

俞懋敬字元禮九歲能文中年得孿疾右手廢習左手書著漱石

集十二卷弟懋相字元簡例貢生性脫畧不修邊幅詩賦自娛名

其稿曰酣語

按酣語朱志作醋語朱文苑高文苑張文苑王文苑

沈澣字則新家貧隨父讀書鄉塾刻苦能文屢試無所遇遂棄帖

括肆力於經史授徒海鹽與胡震亨姚士彝輩交著讀書醒學庸

蒙筏尚書印王太史錫衮見之歎為吾道長城晚年布衣茹素詮

注老莊無疾而卒

朱文苑高文苑張文苑王文苑

陸啟浚字叔度貢生十歲能作古文辭讀書過目成誦弱冠博極經史不事章句侷儻負奇通輕俠類河朔壯士好談論古今成敗知邊塞事纏纏不可窮自題其齋曰天生我才必有用黃金散盡還復來客燕京二十年交滿長安然終不遇歸而貧甚隨值喪亂乃更名遯字山翁間與酒人畸士邂逅相遭輒短歌歛歛聲淚俱下詩法全宗少陵著有賁趾山房詩文集一百卷讀史十部四十

卷經世譜八卷太元測一卷射訣一卷

柘上遺詩啟浚少爲貴公子性豪邁嘗遊建業命酒

泛舟召舊院名姬大會詞人於秦淮酒半某姬倚檻微歎曰惜無兩岸紅蕖佐此勝集啟浚明日隨復置讌比客至則晚風拂席荷香襲人舉座莫測其故蓋是夕懸金購得數百缸碎而沈之頃刻繞水自是十四樓中皆指目之不減樊川朱文苑高文苑張文苑王

文苑

趙韓字退之初名京翰字右翰父維寰文名動海內韓復繼起有

### 平湖縣志

#### 卷十七

人物 列傳三

一二十七

大許小許之目萬厯壬子副榜丁巳援例入北雍與四方才士交戶外履常滿吳默識當束髮時承父命願侍函丈韓固辭迨壬午遊南雍吳已爲司業握手大驚曰是吾師也今乃以辟雍稱弟子耶韓嘗自謂生平於詩可許獨步識者稱其雄雋傲兀刊落常調爲一時之豪云晚年自號欖生著欖言蠟言蔗言子佃有傳

朱文苑高

文苑張文苑王文苑

錢士馨字穉農貢生少讀書化城菴研究經史多所撰述遇奇聞異義輒以硃墨標之錄爲別冊或訝其多端寡要應之曰記事纂言此法最善食稗者弗肥書豈必全讀耶崇禎壬午遊南雍見知於吳梅邨尋入燕公卿爭欲客士馨士馨久而厭薄之人漸目爲狂生賊犯京中允李明睿密請南遷士馨私謁之泣曰賊盡得秦

隴晝夜行四五百里倘繞出畿南以抗警蹕公將何辭以謝天下  
李慙懼又曰不如死守以待勤王之兵先遣太子南行以繫人望  
李難之及京城陷士馨匿跡樵林已而復往來河朔間盡交其豪  
傑偶偕五人至慶陽薄暮微雨五虎躍出土馨曰不盡殺何以見  
諸君勇乃人發一矢當者立斃一少年矢貫虎額尺許虎入林莽  
中追割其舌以報至旅店縱飲獨不與少年酒責之曰發矢不中  
要害不足多也後奔走無所成有勸以仕者不應遂還貧益甚至  
不能舉火生平工古文詞兼精書畫每抵掌古今必縱橫數千言  
卒至窮老以死著有古文易二卷周禮說一卷周禮答疑三卷冬  
官補亡三卷儀禮說一卷禮記申惑一卷王制說一卷月令說一  
卷緇衣說一卷中庸說一卷春秋志禮八卷續越絕書二卷

朱文苑高

### 平湖縣志

#### 卷十七

人物 列傳三

一二十八

文苑王  
文苑

孫曾楠字讓生刑部尚書簡肅植曾孫結廬秋涇庭栽梅竹顏所  
居曰鐵菴人稱鐵菴先生雲間陳繼儒以家藏楊廉夫鐵冠鐵笛  
爲壽曰冠貯竹葉酒笛作梅花弄此菴大不俗矣偕妻黃月輝

按月

輝名德貞曾楠妻  
也本文作友誤

吟詩其中平章詩史著梅間草竹裏吟學陶集

數種

按秋涇在府治東北孫氏自簡肅即徙居嘉興故曾楠結廬  
其地府志列爲邑人以其爲邑庠生耳茲仍其舊張文苑

王文苑

俞允懷字懷茲庠生窮經博古廣聲氣受知於張天如楊維斗諸  
人著名婁東金沙文社晚年發爲聲歌多高淡寂寞之想著海濱

野老集

朱文苑高文苑  
張文苑王文苑

陸上瀾字芳洲號狂生生而聰穎四歲能誦唐詩十歲五經諸史

及大家文無不通貫邑中以神童目之崇禎丙子中南闈第二出  
公安袁特邱門袁官淮右公車北上胥吏以資斧進堅拒之曰我  
豈與小人作緣晚避兵村舍足不入城市性寬慈不校善養天和  
叔龍如舅金履元家貧無依迎養喪葬皆盡禮從弟有私鬻其新  
宅者竟置不問年幾八十日手一編弗輟所著詩文集二十卷間  
齋志林四卷湖邑記聞玉鈎小史諸書皆未刻其已刻者僅三國  
六朝文選陸子三編樵李詩繫云我湖稱博雅者近代以來未之敢匹也子來章字孟公工  
詩爲當湖七子之一朱文苑高文苑張文苑王文苑

李萼字剛甫少無朋從自以意績學毘陵薛學使應旂見其文重  
之以爲有道氣萼遂自命必爲聖人作克念圖從王龍谿遊終日  
正容默坐時出城市默自數步而行或時迴步從前路起再整步

### 平湖縣志

#### 卷十七

人物 列傳三

二十九

期不失尺寸人以是迂之環堵蕭然一意好道自稱也醒居士年

五十餘卒

按乍浦志云萼卽李確之伯祖也博聞多識應試顧厨俊及三十二人不書名而書字無子遺稿悉散軼嗣子

惟涇亦蚤世司成沈懋孝爲作兩介士傳一萼一潘鵬也萼墓在牛橋西鵬另有傳王文苑

曹隨字是誰初名爾善字令民別號簡在居士以諸生遊成均與

孫令宏毛修之齊名著有壹是山居集大泌山人序之

王文苑

王路字仲遵號澹雲其先松江之鳳凰山人後徙邑虹霓堰七世

生路幼嗜學多所綜覽集古安貧之士爲書曰冰蘖薈又著客牕

留三十詠性喜蒔花居龍湫萬松臺輯花史左編二十四卷雲間

陳繼儒爲作前後序行世惜右編未就而卒

花史云陳山寺後有臺萬松擁護予花史

左右編實成於此時見萬翠飛來元名萬松臺予補作萬松臺記

李天植九山志仲遵花史已刻行今雖不傳而前後兩序余見之白石山房藏稿中直足不朽仲遵矣彼軒冕錢刀不足邀達人一盼然則人固貴自豎哉張文苑王文苑

王端字正始號雲外又稱雲王居士路之弟也嘗讀書湯山澆花種竹多有別致中年棄舉子業學劍好兵家言時方多事乃著車戰圖及城守要畧諸書天崇間走南都以策干當事不見用後竟如其言性好交能詩畫喜遊山水以丹青著名白下卒年五十有四臨沒屬其子以明處士表墓焉遺稿有雲外集子漣字蘭爲號寅旭邑庠生能詩

王文苑

許丕祚字芝裘號孝拙廩膳生少孤事母以孝聞績學工文敦重名節乙酉秋爲亂兵所害及門李慶乙哀集所作名拙菴遺稿今

散佚

張文苑王文苑

倪端初名涵元字惺孩世居清溪父醅字鍾白著有白雪談柄端家貧父沒與母自邑中遷於龍湫山之陰以教授爲業喜爲詩好

### 平湖縣志

#### 卷十七

人物 列傳三

三十

客每蓄旨酒以供吟社兒輩悉教治農圃有隱者風後苦目疾年

五十四卒所著有效蛩集

張文苑王文苑

宋咸陸錫禮咸初名斌字二完後字爾恆別號覺非工舉子業喜

爲詩讀書於陳山潛心易學著有易說李天植爲作萬松臺讀易

圖記性倜儻不拘小節工臨池筆力遒勁又善弈家貧不給遂薄

遊金陵上湖湘有卜居半山之志年四十九卒著有金陵遊草唐

詩合治忘機社詩選錫禮字中黃亦善易學與咸齊名人忘機社

中著有讀易微言

李天植廬園遺文 余與社中交也以朱九先爲畏友宋二完爲勝友倪惺孩時聖傳陸中黃周

雲虬爲益友而王長麟昆季則千里友也元徹禪師則方外友也大都與道近而與俗遠者故一日定交終身以之 王文苑

### 國朝

金式玉字藍珂性嗜書工詩古文詞順治丙戌拔貢授壽昌縣訓

導辛丑成進士與弟璞玉等晨夕課誦既登第歸遇邑有文社必攜筆墨與會制藝益工謙退下人終日手不釋卷著有律呂新書註三易通四書人物考按舊志稱式玉為訓導時捐俸置義田貧士有緩急多寡必應及舉於鄉集貧士於庭舉券焚之又稱其終日侍父母如嬰兒有所獲悉以奉親無纖毫私蓄母卒哀毀甚終母七而亡是式玉乃孝義兼盡之士王志因其著作可傳特列文苑今從之  
朱孝友高行誼張孝友王文苑

許丕猷字元震博聞強識與兄丕祚齊名著有稽古類言續集諸書子質字初白亦能文張文苑王文苑

戴本字仁生少孤貧質奇敏甫就學出語已驚其長老為詩文具經錘鍊而又出於自然嘗從許丕祚周宏起遊而李天植朱之鑑許丕猷輩亦交相許可亦一時之雋云著有爨底書二卷九山續補志

孫之琮字元襄仁和人少負逸才廣搜異書典故為文古雅軼蕩

### 平湖縣志

#### 卷十七

人物 列傳三

三十一

學使者試輒第一晚年結茅西溪馮徵君洪業招致之遂移家鸚鵡湖上洪業好客每當名流大集酒酣援筆數百言立就著有史論一卷粗細草一卷纂類十卷及輿地山川圖行世子詹光字季岌號嘯夫庠生能文工詩有溫李風致知縣朱維熊延修邑志考核詳明衆論稱之朱流寓高僑寓張寓賢王文苑

馮秉恭字子近為名家子性不羈骯髒忤俗善哭意有不適長號者移時為諸生不遇放廢詩酒晚居北郊別墅儲法書古瓷以自翫嘗與劔客酒人拔地起舞或醉臥水草間與牧豎為伍驅犢荷蓑作野老態著有亦諺蒿齋諸集朱文苑高文苑張文苑王文苑

陳國政字憲生讀書元珠寺婁東張太史溥雅重之順治庚子歲貢入都寶坻杜文端當國慕其名延為子師終老名場晚而歸里

於所居之南構三非圃起秋聲閣栽花蒔竹嘯咏其中二十年不入城市有陳子古業二卷詩集二卷

張文苑王文苑

馬廣軫字飛生靖江訓導鳴雷子生員幼警敏讀書過目成誦伸紙數千言立就尤長辯才遇詩酒遊讌賓友歛集輒葛巾鹿裘高談雄論連舉舳船數十神氣自若家貧以教授爲事凡理學性命及古今成敗得失矢口講論多別解使人亶亶忘倦歸其門者日衆著有四書讀詩文集歿後門人私諡曰端敏先生

朱文苑高文苑張文苑王

苑文

于琳字貞瑕號甘山父有恆字聖初負才名工書法尤精於易天啟間以貢授四川南溪主簿卒官琳博極羣書爲文屢變試輒高等少任俠喜擊劍談兵順治庚子膺歲薦不赴教授生徒嘗承父

### 平湖縣志

#### 卷十七

人物 列傳三

三十一

志述三易得習學九卷廣變四卷象告二卷皆原九圖之意以立言兼通六壬旁及地理醫術無不窮究書畫俱臻逸品晚年習禪理庚申冬愴然揮手而逝年八十五著有士學古編二十卷己酉

集香祖菴草

朱文苑高文苑張文苑王文苑

柯宏祚字魯山九歲補庠生甲申後棄去舉子業素冠布服遊燕南江北與方外畸人交遊歷所經詠歌甚富有九山草堂集年九

十三卒

張文苑王文苑

朱之鑑字孟昭號平齋年十五始讀書旋入學性高傲物自謂狂生人亦狂之遭亂避跡雙徑虞山之間者數年歸里後不復應試禿頂緇衣教授生徒與馮秉恭周宏起最善所著多散佚止遺北

牕存稿一卷

王文苑

周宏起字雲虬號道腴又自稱寓庸幼不甚穎異潛心力學後竟大成爲古文縱橫排冓與許丕祚齊名有海上二虬之目康熙辛亥寧都魏禧訪李天植主宏起家著有易經集義甬上仇兆鰲見而稱之又有四書集義陸清獻作序謂其排斥姚江有功於考亭壬子知縣陳孚宸延修邑志後以歲貢任青田訓導卒年八十三遺有望古堂詩文集

高文苑張文苑王文苑

沈日星字明阿號大山德安知縣君楨子庠生與弟不負俱以詩名少從父宦江右黎博菴器重之所交皆當世名人遊金陵與吳梅村劉伯宗姜如農諸前輩爲同社友吟咏至老不倦著有蘭石齋詩草子甸字南城增廣生博學能文爲人端方嚴重著野意齋

詩集

張文苑王文苑

### 平湖縣志

#### 卷十七

人物 列傳三

三十三

陸埜字我謀號曠菴郡庠生爲人外和內介交遊有過輒面斥之無所忌書齋高爽山池草樹頗擅幽勝日擁書萬卷嘯歌其中塵務不縈於懷亦不問家人生產計非騷人雅士不得窺堂奧也晚歲娛情詩酒著作甚富稿多不存所刻曠菴詞一卷年六十卒埜少與趙佃陸萊沈皞日陸世栻陸來章沈隆峴稱當湖七子

朱文苑高

文苑張文苑王文苑

郭襄圖字臯旭號匡山明御史紹儀季子兄雍圖順治辛卯舉人以父年高不赴公車襄圖歲貢生弱冠爲張溥文德翼所賞長益工詩三吳社集皆知名嘗與沈季友同輯柘上遺詩行世性儻儻好事交遊談讌無虛日歌舞絲竹六博倡優時時徵逐以爲樂乙酉泛舟入海期年歸一日殺其仇於市下獄賴友人李慶乙以脫

自壯至老奔走四方久而無所遇曹侍郎溶嘗贈詩曰苦吟經戰  
伐短褐老乾坤其風味可知矣晚年買妾居臯橋竟死於吳有更  
生集無子撫其外孫鍾氏子三人爲後長機字石城府學廩生博  
學工文姜學使櫛延入幕謂才冠浙士次光祕健事兄至恭俱早

卒

高文苑張文苑王文苑

趙佃

朱高張三志皆作泐

字天來號帆青韓子少聰敏經史百家皆淹貫年

十五補庠生試輒高等中歲無所遇詩得中唐人高格與閣學陸

棻等舉當湖七子會

詳陸埜傳

性狷介外柔內剛疾惡不少假不喜飲

酒每遇四方士燕會端坐竟席不妄發一言粵東馮學使聞其名  
聘之抵署卽歸曰我欲一啖荔枝耳豈能作人幕客耶遊燕歸獨  
居一室遂與世絕病革顧諸兒索筆書曰正性不磨何難朝聞而

平湖縣志

卷十七

人物 列傳三

三十四

夕死卑躬受益尙其修己以光前擲筆而逝著有度嶺言紅豆詞  
資真集藏於家人謂趙氏祖孫父子皆天下才三值數奇爲之惋

惜

朱文苑高文苑張文苑王文苑

屠敦增字閻兼父象美罹難家室流離諸子貧困增獨力學能文  
見重於時然久困場屋康熙戊午挾策北遊久居燕邸忽索僧龕  
趺坐作偈語投筆而逝

王文苑

沈昀字叔輪號尙廬又號香嚴家世豪盛折節讀書爲邑生不遇  
棄去日誦佛言梵唄之餘輒作裙屐冶遊老而勿悔有書屋數椽  
惟名僧韻士樂爲談對庭列雙松日哦詩其下與宗人季友居相

近唱和最多著有金庭詩草

張文苑王文苑

沈嶧字涵中號古民歲貢生博極羣書癖耽吟咏爲人軒昂磊落

有陳元龍槩分纂邑志網羅舊聞人謂兼才學識三長所著有長

水雜詩行世

高文苑 張文苑 王文苑

鮑駿字聲來號桐石由增廣生入太學執經長洲汪琬門下琬稱其詩入劉錢之室一時名宿如施閏章王士正葉方藹田雯潘耒皆相見恨晚以博學鴻詞薦丁外艱不獲試而歸服闋有遍遊五嶽之志歷雲中江右黃山武彝天台至必題詩倦遊歸築室曰草庭琬爲作記駿祖文遠工二王書法駿承家學更極縱橫盡致自成一家

張文苑 王文苑

陸世來字上扶諸生僑居嘉善以能詩名與朱彝尊譚吉聰沈岸登往來贈答築匡山讀書處於永安鄉麥隩里以終著有陶軒集

梓園詩詞稿戊子詩稿紀行草

府于志 文苑

平湖縣志

卷十七

人物 列傳三

三十五

錢榮泮字蒼嶼邑庠生工制藝出入陶菴臥子問兼工詩與弟起

隆有二難之目著有聚奎樓詩文集

新纂

錢起隆字買山生員長於詩與陸閣學萊葉中書舒崇有柘湖三俊之目入太學試北闈不售遊燕楚齊豫間題詠益多歿於山左

稿散佚無存

張文苑 王文苑

沈不負字集九號東樂邑庠生十歲能文尤工詩與兄日星齊名性孝友兄弟旣析居旬日不晤輒拿舟往訊後仍同居清溪著有老雲齋詩刪十卷村居詩一卷哦石齋稿四卷韻鈔四卷

高文苑 張文苑

王文苑

陸士煒字昭文學人上瀾孫監生好學工文弟士琰康熙甲子發解並有文名而煒終困名場鬱抑以死藝林爲之扼腕著有蕉侶

遺草

高文苑張文苑王文苑

張家漢字漢中讀書十行俱下爲文磅礴奇古康熙甲子副榜庚午幾入穀復遭黜落巡撫遂甯張鵬翮奇其文延爲子師居四載雅以學行相契後衍聖公敦請執弟子禮儀封張清恪爲運河道延主濟甯書院未幾歸年七十五卒著有詒安堂古文及制義族弟藁字星若胸懷蕭逸亦工詩

高文苑張文苑王文苑

陸攀字威咫清獻族叔年少於清獻清獻館倪氏校閱大全釐正制義研究道學諸書攀時與參訂康熙丙寅以拔貢入都旋歸鍵戶著述工書善琴兼精岐黃之術爲詩縱橫兀冪頗肖蘇梅有易義韻譜四書尊聞錄枕上吟宜雅堂集年五十忽嬰痼疾猶日口授尙書數條未竟而歿

按當湖人文逸謂攀受業清獻誤張文苑王文苑

平湖縣志

卷十七

人物 列傳三

三十六

戴茂隆字蘿軒太學生博綜羣書尤工詩賦康熙己未舉博學宏詞時邑膺薦者三人一爲陸萊一爲陸隴其茂隆峙而爲三所著詩文惜多散佚不傳

路志

沈季友字客子號南疑西平知縣萊子康熙丁卯副榜少聰穎精制藝及古文詞尤工詩原本漢魏六朝出入三唐自成一家嘗侍父西平署山陰毛檢討奇齡一見歎爲曠世逸才年二十六刊南疑集行世一時紙貴名動江左叔棟豐於資卒無子季友當嗣自以親恩未報不忍爲人後遂賦遠遊生平至性過人蓼莪陟謁之思時寓諸詩已而遊都下海內名宿如新城王士正宜興陳其年番禺梁佩蘭長洲汪琬輩皆相見恨晚交推重之婦翁陸閣學萊著作每引參定時稱水清玉潤由正黃旗教習考授知縣未及任

而歸杜門著書敦名教刊譜立祠石莊一族賴之分纂邑乘詳贍

有體請祀李天植馬嘉楨於鄉賢祠捐資贖閩人之鬻於旗者鄉

人咸高其義沒年四十六所著有樵李詩繫四十二卷入四庫全書

書簡明目錄所錄嘉興一郡之詩由漢晉以至國朝每入各為小傳詩中山川古蹟民風物產亦多所考證 柘上遺詩

四卷按是書與郭襄圖同輯見襄圖傳 學古堂詩集六卷按南疑集及秋蓬集合刊為學古堂集 迴

紅集一卷賦格十卷方笛集制藝行世子堦字東表亦能詩入洛

如社高文苑張文苑王文苑

按王志篤信樵李詩繫凡邑人之在詩繫者無不入志然以寥

寥一二詩概為列傳不無近濫如明沈樾字元懋號樵軒天順

戈思齊字子賢號龍村嘉隆 孫成名字允仁號儀屋萬曆己卯

遊漫草兩 沈紹心字懋真號五客萬曆壬 屠中孚字德允號敏

### 平湖縣志

### 卷十七

人物 列傳三

三十七

暉堂 陸在前字令瞻有 馬嘉松字曼生有花鏡雋聲北遊 國

朝陸濬明字以昱號梅岑 范琦字林奇庠生有 陳灋字子虛有

李碧字石水幼孤能文與先輩趙無聲陸嗣端馮兼 陸谷字初名

懶漁又字亦樵後稱樵道人妻 趙璜字道閻號閻 唐俊字翼又

既喪遍遊名山以終有夜鴻鳴集 張璠字岫一號須裘 馮元白字愨庠

及頭禿又號道禿有石田錄 張璠字岫一號須裘 馮元白字愨庠

生有則 馬辰御字青蓮有 沈峻字華九隨父碑日官柳州始學

鳴剩集 張宗信字以純號石 邵翼字汝為號冲菴太 時達德字長民

草花 張宗信字以純號石 邵翼字汝為號冲菴太 時達德字長民

仲芳梅花詩 沈乘字洪綽有 馬輝曾字三湘燕趙遊草 尚有詩

集可入藝文至若明潘寔字誠 沈熾字益峰正 沈維銀字雲涯

學文 洪默字惟緘隆 陸光岳字與喬號日峰萬曆戊 沈維鑿字靖新

雲門萬曆間 林中英字儲聲萬 王偉字青 沈原淳字伯淳 戈金

桐城教諭 歷中布衣 王偉字青 沈原淳字伯淳 戈金

湯如字帶國朝陸之泓我上有陸英標善書卒年二十九

沈起雷原名隆峴字徐之天官家言胡采字英千汪灃字子

塘人流胡介字柳若吳同雲字雲芝楊烱字彥方少負雋才偃

王庾山有詩未刻沈是字去非生平謹信老陸世枳字古璣

縣學生有陸穎武字慧遠號寶沈貫日字子陸枝山字仲孫原

西臯剩稿張渭字子瀾僅存姓字亦附文苑未免名不符

實姑識於此以俟誦詩知人者論定焉

過陞字錫璜庠生嗜古績學順治己亥里中施仲芳陸嗣開續舉

徵遠社推為後來之雋性故坦易遇良讌會必盡歡有晉人風年

八十卒後裔式微詩文多散佚嘗與沈崱等分纂邑乘稱詳核云

高文苑張文苑王文苑

平湖縣志

卷十七 人物 列傳三

三十八

陸王作楊志嗣源字若谷諸生敦倫砥行工制藝屢薦不售著據梧詩

鈔撫松文集府于志文苑

姚大楨字亘山諸生少穎悟善屬文每客遊探佳山水不慕榮利

有枕書樓詩餘百花詩梅花百詠諸刻高文苑張文苑王文苑

俞曾模字存三諸生少好學家貧教授生徒一時名雋多出門下

著五經講解諸子粹言而周禮纂注一書尤能闡明先儒旨要生

平孝友因自幼失恃衰年言及母氏必痛哭失聲更注孝經以志

慕焉張文苑王文苑

邵暉字白崖江西提學副使延齡子監生善詩古文著有德藏寺

志畧九卷白崖詩集王文苑

胡慶豫字雒來號東坪歲貢生性醇謹學問淵博嘗輯四禮尊義

一書曰非敢訓世用以檢身教家云爾少卽工詩古文客江西與  
毘陵邵子湘洪都彭元敘日相倡酬由京師入蜀入秦而歸詩益  
工著東坪詩集八卷杜詩集註十八卷弟觀字次咸康熙辛酉順  
天舉人丁父艱哀毀卒次恆次啟貞次復並諸生恆字晉三長於  
春秋啟貞字震初精易理能詩老而無後客死豫章復字見亭書  
法李北海黃涪翁早歿時稱胡氏五俊

張文苑  
王文苑

周儒字宋傳歲貢生幼慧耽書枕籍經史爲張家漢高第弟子屢  
躋舉屋客燕臺數載終無所遇歸卒於家著有交翠軒詩文集四  
卷刊行者歷試草一卷子二長夔字鄰臯歲貢生次學海字紫迴  
諸生皆以能文世其家夔尤長詩古文

張文苑  
王文苑

陸光曙姚之揆光曙字東白廩膳生工制藝試輒高等事母純孝

### 平湖縣志

#### 卷十七

人物 列傳三

三十九

母或詣弟所旦晚定省風雨無間讀書竟日危坐無情容行於市  
未嘗傍睨偶登舟解維卽發篋手一編諷詠不輟弟光魯乙酉中  
式光曙是年亦擬魁以病不終試論者惜之晚年崇信釋典瀕及  
貢忽棄諸生不就之揆字東衡廩膳生規言矩行爲時楷模制藝  
幽折深摯能拔奇於西江諸家外尤邃於經學康熙癸巳鄉試已  
定元忽病作不竣事歸家竟不起刻有東衡四書文稿學者稱二

東先生

高文苑 張文苑  
王文苑

俞欽奇字丹嶼號西野少奇偉好讀異書工詩尤長篆籀隸書歷  
遊齊楚燕豫閩粵滇黔間與諸名士交抑塞磊落之氣多見之於  
詩卒不得志以歸結茅城西之荻雪村嘯歌自得有芹廬近稿荻

雪莊詩西野筆談衡素齋印譜

高文苑 張文苑  
王文苑

陸時杰字耳瑩號力夫增廣生少負奇氣稍長始折節讀書工詩文駢體尤爲時重求者日踵門應之忘倦善持論與人談前史事滔滔滾滾如置身其間者貧無後遺稿多散佚僅存廣輿要覽百

歲考二書

高文苑 張文苑 王文苑

潘應奎字星伯號今尼生員負才不偶放意嘯傲詩從香奩入手中年家日落而詩學益進蕭澹似韋左司刻苦又近孟東野洛如

社中咸推翹楚

張文苑 王文苑

于東臬字湯谷康熙庚子副榜少受業於兄東暹讀書稽古隆冬酷暑不輟分隸故事不煩檢閱原委井井年踰七十問字者盈門酬答如響遇佳山水側帽微吟流連竟日著述甚富有錦璇閣詩

稿東暹字堯瞻生員工詩詞駢儷

高文苑 張文苑 王文苑

平湖縣志

卷十七

人物 列傳三

四十

姚廷瓚字述緇號懶迂先世江南金山人父姓字生生始遷平湖與張帶三吳日千董樗亭輩飲酒賦詩爲忘形交所著有修竹廬稿廷瓚性豪邁亦工詩嘗構別墅於所居西偏積書萬卷蒔花灌竹邀湖中諸名士結詩酒社著有懶迂小稿鷓水偶吟耄學集塵

瓚草吟豔諸編鐵蕉詞

高僑寓 張寓 賢 王文苑

陸競烈字懶真庠生有文名再試於鄉不售遂棄制舉業避居南田烟舍栽花累石日與知己相倡酬詩境幽秀高雅能拔幟於洛如社爲湖中近代名家晚忽棄家爲僧名德衛字高澧結廬墓傍曰松在白稱栽松道人往來雲林佛日間嘗自作生座詞及病革义手吟咏而逝著有停雲擯影集

高文苑 張文苑 王文苑

張培源字江亭號萼香監生父重芳能詩著有晚間集培源深得

家學好書購宋元精刻積數千卷藏一樓寢食其中體雖羸吟咏  
不輟卒年二十有六著有吟香詩集四卷子雲錦有傳高文苑張文苑王文苑

俞永祺張志作永祺字星源歲貢生生平謹言行不妄色笑爲文邃於

古法以先民是程時制義骫骳矯之一軌於正康熙間汪學使滄  
視學兩浙以嘉隆規範程士歲科五試三冠其曹居恆執經就正  
者履滿戶外年六十餘卒張文苑王文苑

張在霄字健凌恩貢生少穎悟至性過人父日煇以宿學爲諸生  
師在霄遜志攻苦未弱冠餼於庠制藝根柢經史父歿弟鍾秀尙  
幼課以實學後成進士卒年五十二刻有四書文稿鍾秀有傳高文苑

誼張文苑王文苑

### 平湖縣志

### 卷十七

人物 列傳三

四十一

王觀成字元文號嘯園廩膳生幼有神童目學使張希良面試七  
藝補弟子員性鯁直好濟人急鄰被火各賙以金多讀書善講貫  
凡天官地志律歷河渠叩之靡不條析原委年四十七卒著有經  
解刪要四書粹言性理集說今可軒制藝弟用錫錫嘏泰順用錫  
字廷獻以歲貢生任新城訓導邃於易學錫嘏字元肅歲貢生與  
二兄齊名能詩泰順字健園弱冠舉于鄉高文苑張文苑王文苑  
陸嘉孚字仲萊貴州參政祚蕃子恩貢生性洒落父雖貴顯而家  
徒壁立折節讀書不少挫志工制藝尤善小品論者謂與金壇王  
步青相埒雍正丁未邑人盧生甫官刑曹郎以才守兼優薦部檄  
本籍起送有司臨催上道援母老力辭家貧嘯歌自得授徒終老  
孝子張世昌兄弟其弟子也著有四書文稿王文苑

葉之淇字右水號待堂監生候選州同知先世江南歙縣人父寓當湖因家焉少負異才從陸閣學棗遊與孫睂光沈季友輩有蘇門四學士之目陸載崑倡洛如詩社偕其弟之溶與焉著有寒碧齋詩五卷黃山遊草子映榴字柳田生員亦能詩高文苑張文苑王文苑

葉之溶字笠亭工詩古文與兄之淇齊名學使李清植以人品端方薦乙卯又舉博學鴻詞省試被放士林惜之著有小石林詩古文長短句小石林文外列國考年號考廣輿摘韻長子鑾字筠客乙卯拔貢生官於潛教諭次子諫字信臣監生並以能詩繼其家學諫著有漱潤齋詩鈔六卷高文苑張文苑王文苑

陸載崑字伯璣號漁滄檢討奎勳從子生員年十三能詩長益工舉洛如詩社陸氏十二人益以親知十五人游歷兩年得詩二千

### 平湖縣志

#### 卷十七

人物 列傳三

四十二

二百有奇詩以中晚唐人爲宗秀水朱檢討彝尊選存六卷序刻之雍正庚戌浙江修通志奎勳總裁載崑亦與分纂後弟子金壇于文襄敏中視學山左延請校文以疾卒於署從弟載霍字亞灑

監生亦工詩

張文苑王文苑

陸載紀字抱青號敦南檢討奎勳長子歲貢生幼好學至老不倦寢食坐臥不離書堵見卽手錄成編工詩古文分纂浙江通志廣西通志所至名賢倒屣母老歸養問字者無虛日母病不脫冠帶者六旬及母歿日夜啼泣賦烏夜啼志哀年七十二卒張文苑王文苑

劉錫勇字硯芬號蔬叟庠生博學多識詩文不屬草千言立就自中繩尺生平友愛至老彌篤年四十餘喪偶不再娶無子所著有

待廬詩文集

高文苑張文苑王文苑

沈燮字御李生員工詩遊金閭白門江右日下湖北黔南凡山川草木奇聞壯觀咸以詩發之著有蓉湖詩鈔子天遠字驥九亦能

世其家學

張文苑  
王文苑

韓戴錦字貽孫號柘田生員詩宗晚唐兩宋諸家對客揮毫千百

言了無窘色著有寶墨齋詩鈔

張文苑  
王文苑

馮承烈字孝移增廣生博學工古文詞康熙庚子鄉闈已雋復失性孝友姪藻少孤撫養成立家貧好施與品行純潔日取所作事書於冊曰質心集遇朔望則禱於神前焚之終身布衣蔬食授徒講學不倦甯鄉知縣徐鴻昇爲其高弟子暮年得輦腳病坐臥一樓精研經史尤熟於左氏傳嘗做呂東萊博議著有左氏論說一卷及周禮論說若干篇

張文苑  
王文苑

平湖縣志

卷十七

人物  
列傳三

四十二

宋景濂字雙穎父炳奉母膳族以孝義稱景濂未冠入學旋補廩膳生學詩於陸檢討奎勳學駢體於劉秀才錫勇古文則私淑周宏起自成一言性卞急中年與黃正色遊薰陶涵養漸歸和平嘗踵李孝廉天植九山志作乍浦九山續補志未成而目疾作遂輟業卒年六十正色字肇修踐履篤實好養生家言乾隆壬午當充恩貢患末疾不能赴試以廩膳生終

張文苑  
王文苑

唐起鳳字羽豐號九峰性英慧年十三卽能詩工楷書弱冠領乾隆丙辰鄉薦屢上公車不得志遂絕意進取閉門課子賦詩自適

著有九峰詩草

張文苑  
王文苑

陸天錫字畏蒼號青棠乾隆戊午舉人襁褓失怙母林親授章句長而以能文名母歿痛不及祿養旋得心疾奉部截取知縣不能

赴旋卒年六十二生平交友以道義相切磨晚境憔悴詩益雄健

卓犖書法亦得晉人風致著有古香閣詩集

張文苑  
王文苑

陸祖錫字念劬天錫從弟父垣歿母林授以經書過目不忘弱冠受知學使王蘭生由拔貢充教習時梁文莊詩正在詞館奇其才遂定交詩文敏捷數千言立就尤善小楷得河東家法文莊贈詩有昭陵玉匣久塵遮新樣從君擅柳家之句終不遇後蘭生視學安徽招入幕旋隨入陝會舉博學鴻詞科蘭生卽疏薦總督李衛嘉興錢文端陳羣亦交章薦之

廷試保和殿放歸惑烏伸術得心疾而卒著有松鱗集

高文苑  
張文苑  
王文苑

張弈樞字掖西號今涪監生父崢歿同胞弟七人幼纔四齡弈樞延師課之相繼遊庠性落拓工詩古文詞三赴北闈不售交益廣

### 平湖縣志

#### 卷十七

人物  
列傳三

#### 四十四

學問益進歷遊秦粵閩晉楚借助江山所著日富與諸弟友愛文行重一時著有芳莊紀遊詩八卷月在軒琴趣二卷弟應璇字羲傳生員事母孝母病博覽方書親奉湯藥校刻陸清獻制義次第在璣字鳳放增生屢試不售刻有沁香居時文與兄同操選政有

聲於時

張文苑  
王文苑

陸鍾英字舒霞晚號退士沈潛經史邃於詩古文尤工制藝乾隆辛酉舉人淡於仕進當事延主當湖書院講席十餘年因材善誘品評悉當多士悅服里有文社皆折衷焉兄汝欽罷官歿宦橐蕭然鍾英分硯田所獲贖其孤寡教兩姪成名後奉部截取知縣

辭不赴授書講學以老

張孝友  
王文苑

高嵩字三臺號峻齋編修輿子監生由

武英殿行走議敘州同知補江南山陽管河縣丞工書法蒼勁秀逸其姊婿雲間張文敏照嘗屬捉刀人莫能辨詩授自陸太守綸得三唐遺意曾于任所賦落葉詩三十首爲時傳誦乞休歸日飲酒賦詩徜徉物外繪寒香晚節圖以見志年七十無疾而卒著有簡靜齋集醒閣詩鈔若干卷

張文苑  
王文苑

馮重華字文彪號南屏家貧刻苦績學博綜經史乾隆壬申年五十始領鄉薦性耿介不爲翁翕熱人望其風采畏之遇學古士輒傾心獎借爲文典重有骨刻有敬業堂四書文稿

張文苑  
王文苑

張雲錦字龍威號鐵珊監生少學於舅氏陸奎勳工詩尤善咏物有紅葉詩奎勳賞之稱爲張紅葉淳安方燦如愛其春草詩贈詩曰楊春草後張春草他日應將合傳傳一時名流如杭世駿厲鶚

### 平湖縣志

#### 卷十七

人物 列傳三

四十五

輩皆與訂交總督李衛聘修浙江通志及西湖志乙卯舉博學宏詞科省試被放著有蘭玉堂詩正續集二十一卷文集二十卷紅蘭閣詞藝舫咏物詩及弄珠樓佑聖宮德藏寺諸志

王文苑

馬恆錫字久庭號愛廬生員幼工詩澹於科名課徒暇以吟咏自適爲人和易善引掖後進學詩者多師之著有古直廬集

王文苑

馮錕字含輝號澹園少穎悟讀書過目成誦年十八補弟子員試輒高等癸酉拔貢棘闈屢薦不售操選政二十餘年所刊考卷墨卷同風錄風行海內問字者履滿戶外授仙居縣教諭精勤督課士氣一新甫三月卒官歸櫬時諸生感泣有徒步送百里外者刻

有歷試文編

張文苑  
王文苑

戈志熙字虞三庠生少穎悟年十七題鬱輪袍傳後詩卽爲鄉先

輩所賞及長益耽吟咏雅鍊清新有宋人風格性嶽奇磊落人皆以狂士目之其行文不肯一字拾人牙慧屢不得志於有司居北溪鍵戶著書年踰艾賁志以歿著有東海酒徒外集管窺草

路文苑

張景陽字開三號端門拔貢生性豁達不汲汲仕進嘗客豫閩又遊浙東所至倒屣闡戰俛得俛失丁卯後不復踏省門課徒訓子研究經史唐宋大家詩古文詞嘗偕諸兄選刻洪鈞各種時文又選國初四家稿均稱善本癸酉甲戌間蒐羅本邑前喆遺文爲當湖人文逸選人係以小傳畧仿樵李詩繫之例頗具微闡苦心卒年八十一著小鳴齋有韻文十二卷

路文苑

胡霽雲字叔玠號玉坡增廣生苦志力學於洛如吟社中詩最渾雅徧稽金元以來故事編爲小識錄實補前類書所未備兼工篆

### 平湖縣志

#### 卷十七

人物 列傳三

#### 四十六

法所鐫印章得漢人遺意著有瓦鳴集四卷

路文苑

朱維謹字臨軒號蓼浦庠生貧無立錫而耽於吟咏嘗之蘇州謁沈尙書德潛閩人見其貌寢弗與通方爭辨間適德潛出見之問姓氏曰詩人也揖之上座生平寶愛一木瘦出入與俱人因呼爲木瘦居士著有東湖志東田集慎齋詩集

路文苑

沈棠字召仁號雪川歲貢生父高飛字來巖敦品績學門徒著錄者數十人以廩膳生終棠承庭訓弱冠亦餼於庠試輒高等貫穿經傳尤精周官禮爲文思沈筆勁幾欲與方舟王汝驤頡頏其不遇亦類之後生晚學經其品藻輒心服然性狷潔又不善治生因是家益落以授徒終

路文苑

胡弈勳字烈唐號鶴巢作文深於經術爲諸生試輒前列乾隆二

十一年學政檄使獻賦

行在以母病辭性剛正不阿謁當事未嘗一千以私領乙酉鄉薦十上春

官不第以著述自娛著有勤思堂集

路文苑

郭咫顏字瀛士爲文有根柢試必前茅肄業敷文書院爲山長齊

侍郎召南所賞登乾隆乙酉賢書屢薦南宮截取不赴邑令王恆

與同年屢造訪然終不干以私著有榆村詩文集

路篤行

錢德尊字芸暉號印湖父大綸工詩文以一衿老德尊承其家學

苦志攻書寒暑無間遊庠後師事其叔大登大經業益進領乾隆

戊子鄉薦生平厚重寡言尤敦孝友當伏處時於經邦大畧了然

胸中惜早卒

新纂

宋景關字今郿號話桑歲貢生博覽墳籍勤於撰述督學彭元瑞

平湖縣志

卷十七

人物 列傳三

四十七

歲試古學閤郡僅錄二人一景關一劉暄皆平湖人也乾隆己亥

邑令張力行延修邑志景關任分纂職五旬脫藁復作糾繆二卷

使後之修志者得據以正前志之訛應鄉試者十有五次薦輒不

售以書案株累訟繫目亦旋盲嘗選刻龍湫集等書著有乍浦志

桑阿吟屋藁劉暄字漢漁庠生有雋才早卒著有燃藜閣詩草

路文苑

苑

葉莊字守箴號竹莊童時賦新月詩爲族祖之浴所賞後因病廢

制舉業專事於詩入洛如續社詩成同人無不心折者晚年梓其

咏物詩爲籬邊石畔吟及竹莊詩集八卷行世竟以布衣終

路文苑

馬咸字澤山家新溪潛心學古嘗寄食獨山精舍寒夜讀書達旦

不輟受詩學於其族父恆錫兼工小楷篆書畫得郭恕先法嘗遊

天台金陵皆有吟咏大吏某聞其名以金帛求畫屏風婉謝之未幾某以墨敗客金陵時有故人子貧甚以畫直助之渡湘湖遇覆舟者傾囊救之以布衣終著有台岳遊草八卷怡廬詩文集十二

卷六法品彙二十卷

路文苑

路德成字升階號蘭江邑庠生有古君子風與里中陳謨蔣元爲素心交皆以文學名於世平時覃精三禮於儀禮致功猶力朝讐夕考歷數十寒暑無間年七十八卒

新纂

費鑑如字損廬廩膳生遜志力學博覽羣書大興朱文正校士禾中鑑如與同邑黃欽阿屈橋如均列高等時費患耳聾屈患背偻黃患足跛文正顧而歎曰何天之困阨斯人也鑑如歲科校冠軍者再中年後絕意進取以課徒終著有詩義纂要

府于志文苑

平湖縣志

卷十七

人物列傳三

四十八

徐光燦字鳳輝號絅齋諸生少好遊嘗歷赤城華頂諸勝中年患咯血習養生家言遂棄舉業隱居清溪工詩善書尤精琴理有霹靂引一曲乃北平韓畧所傳於李延昱者光燦得之爲時獨步重遊泮宮荷金帛之賜年九十五卒著有山影樓詩存琴譜姪孫軹字雲蔚諸生性兀傲善爲詩著有鐵匏樓詩

府于志文苑

蔣元字大始號澹邨庠生自少潛心理學家貧授徒手鈔儒先書積卷盈帙寒暑不輟遇有詆毀程朱者力斥之年六十餘坎珂以卒著有人範六卷古文載道編救荒補編叢桂堂詩文集

路篤行

賈朝琮字公桓號嘯軒乾隆辛卯副貢學問淹通留心經世之略足迹半天下故於河渠形勝諸說尤能得其精確教子弟務爲實學期於有用晚居竹溪自號竹溪漁父栽花種竹以著述自娛著

有嘯軒詩集子敦臨敦復敦良敦臨原名洪字吉甫號衡石庠生工

詩善八分書著有知止堂詩稿鬱林遊記敦復原名漢字卓人號蘭

臯道光壬午舉人累上春官不第卒於都中旅寓著有守約齋遺

詩敦良原名溥字博如號芝房庠生工詩古文詞與兄敦臨敦復齊

名有當湖三鳳之目同邑朱壬林觀察輯當湖文繫任以校讎之  
役敦良悉心編纂抉擇甚精後避地松江遂卒著有餐霞仙館文

集八卷詩集八卷詞稿一卷府于志文苑

沈廷燦字瞻雲號靜壽發仲子爲庠生負氣敢言教諭某偕典史

陳繩伎之女於署觀之會學使按試禾郡諸生進白狀燦與陳謨

張肇華爭之尤急語侵教諭郡守倚其無師生禮學使爲笞三人

焉七邑士咸壯之案發燦竟優等爲文雄勁甲午鄉試本房薦元

平湖縣志

卷十七

人物 列傳三

四十九

以詞累抑置副車入都就銓州倅冀得祿養數年未補遂歸掌教

常山及當湖書院引掖後進有法耽吟咏工分隸書及張草晚自

訂詩彙爲僅存鼠餘二集藏於家路文苑

屈宗到字芝香號菱江幼有神童之目十三歲爲庠生歲科校輒

前列工詞賦及楷法沈默寡言篤於孝友領乾隆丁酉鄉薦同里

沈文恪視學江蘇招之入幕校藝旋偕入都以病歸卒於天津舟

次年僅三十九弟宗建字香醉乾隆丙午舉人禮闈屢薦不售邑

令延主當湖社學席著有萍槎詞宗談自有傳路文苑

張誠字希和號熙河世昌子乾隆丁酉舉人庚子應

南巡召試文譽藉甚中外耆碩交口推重八上春官不第遂以著述自娛

誠慕陸清獻之爲人故葺其祠墓與同志公舉奉祠生表章甚力

其學一以清獻爲師潛心性命而務有濟於實用復留心掌故邑令王恆延修邑志誠網羅散佚表章舊聞實集前志之成庄平嗜義舉嘗倡修 文廟偕諸兄弟改建兩廡又倡舉座賂會座枯骨一萬六千有奇性好遊嘗東登泰岱西陟峨嵋足迹半天下中年後倦遊閉戶壘石爲嬰山巖壑畢具爲二十四景環山爲園時時嘯咏其中旋以謁選人都卒年六十有七入祀鄉賢祠以孫金鏞炳堃 累贈至資政大夫著有嬰山小園詩文集梅花詩話峨嵋山小志等書子湘任孫金鏞炳堃俱有傳

府于志文苑

孫始然字肇明號研巢太學生九歲而孤事母以孝聞讀書過目成誦率三弟閉戶窮經寒暑不輟屢應鄉試乾隆丁酉已入彀而終見擯遂棄舉子業以吟咏自娛手一編不釋取法唐人進而益

### 平湖縣志

#### 卷十七

人物 列傳三

五十

上著有研巢詩存二卷

路文苑

孫照字正臨號貯雲太學生生平究心史學故作文時見根柢十應鄉試俛得俛失終不遇性耽吟咏尤長於古體詩嘗一遊京師

歸後恣遊名山水著有一邱壑齋吟稿

路文苑

陳謨字汝師號拙修 恩貢生父兄年皆逾邁事之能得歡心性倜儻遇不平事輒持論侃侃家貧以授徒爲業博覽羣書工古文辭著有拙修文稿春秋約旨讀左偶摘讀史偶摘等書卒年七十七子璞珍璞字國器自少聞謨教言卽有志經濟之學屢試不遇閉戶讀書著有時務臆說珍字禾獻號愧莊庠生少承父兄指授潛心力學不求速化三年大比足迹罕至好讀陸忠宣公集又耽常熟顧氏方輿紀要之書手錄至數十冊年八十無疾卒著有從

吾好齋文稿

府于志  
文苑

陸烜字秋陽號梅谷弱冠補庠生一赴鄉試不售卽棄去廢產購書銳意著述兼通岐黃家言性嗜山水嘗遊四明天台北涉江淮所至以醫自給著有書義曲禮要旨羣經詁字梅谷詩文集奇晉齋叢書梅谷雜著夢影詞二蠶詞人參譜子坊字禮約號野橋嘉慶戊辰舉人銓授永康縣訓導學問通博尤長於詩宦況蕭然仍以授徒講學爲事著有草心亭詩鈔

路文苑府  
于志文苑

補

咸安宮教習需次知縣客沈文恪邸後歸卒於途著有藕花書屋詩存

路文  
苑

平湖縣志

卷十七

人物 列傳三

五十一

屈何煥字祖望號未齋橋年子拔貢生少有文名長而好學彌篤朱文正視學兩浙重詞賦才何煥不事揣摩榜發哀然居首尤精制藝至今浙西推選政家猶屬南豐一派云

新纂

胡昌基字星祿號雲仁副貢生與兄正基均青年力學試輒高等正基以歲貢終昌基博綜經史尤工詩文操選政數十年門下多知名士嘗輯嘉郡康熙後百餘年詩以續沈季友樵李詩繫遺聞軼事綴述頗多後盲於目子金題金勝踵成之竭二十餘年之心力博采旁搜手定三十九卷凡有關風教者咸臚列焉惜未付剞劂氏年八十餘雙目復明未幾卒著有石瀨山房詩文集金題字品佳號瘦山廩生才華富有承其家學工詩文詞賦遇宗工校闔郡古學輒與嘉善黃安濤傳臚互冠全軍嘉慶甲子知縣路諱延

修邑志金題搜討之力居多著有桐華館詩金屑詞金勝字東井  
號夢香諸生亦以能詩稱兼工倚聲吐屬名雋著有聽秋室詩鈔

笛家詞

府于志  
文苑

張人棟字仲隆號還餘庠生性坦白不設城府遇事識力兼定屹  
立不撓性嗜書二氏九流皆有撰述中年復悉屏去惟研窮經義  
作文沈雄排鼻十踏省門不遇卒年四十六著有引書異同引詩  
偶錄春秋四傳異辭

路篤  
行

孫熊字襄益乾隆甲辰召試

行在以歲貢候選訓導歷署開化龍游奉化教諭捐資重修 文廟修補  
禮樂二器創立育嬰堂并助貧士之不能鄉試者諸生感激去任  
時至繪攀轅圖題咏成集爲文出入經史兼好吟咏著有越中吟

### 平湖縣志

#### 卷十七

人物 列傳三

五十二

編柳居詩存等集

府于志  
文苑

孫燾字彙桑篤志經籍嘗病宋儒言詩者盡廢序說置古義不講  
因著毛詩說三十卷又有周易虞義補春秋公羊說等書發明漢  
學姪堂嘉慶辛酉舉人官翰林院典簿亦精經學嘗集漢魏二十  
一家易注儀徵阮文達稱其精核云

府于志  
文苑

鍾衛字箴抑廩膳生少刻苦勵學冬讀書恆至夜半所居一市樓  
終日危坐其上不與俗客往來爲文鉢目劂心得力嘉魚詩亦鑿  
險絕幽往往多未經人道語著有小市樓詩集

路文苑 按路志  
載詩人無著述者

八人葉弈苞字九來馬耀曾字耿民曹元遴字子俊葉藁字南昀  
歲貢生馬峻字觀天林中麒字漢閣皆庠生林禮培字白於張守  
銘字滌民皆廩  
生姑附志之

徐夢熊字漢雲一字蘭岳號渭塘廩生性孝友年十五授徒供菽

水母畏雷嘗館某家每雷雨輒歸侍左右生平嗜義舉精於醫全活無算嗜古文詞無體不工書法出入米蔡間著有漱芳閣稿以子士芬貴 贈光祿大夫

府于志  
文苑

邵澍字作霖有才畧乾隆乙巳荒旱無業之民乘勢搶劫澍請於邑令遣健役分曹巡壓又效李崇村置一鼓法晝夜警備一鄉賴以無事長於詩兼精醫術著有修竹廬詩三卷成方輯要二卷弟澂字靜瀾亦工詩著有方滋集弟源著有花間草堂詩一卷紅柳

詞一卷

府于志  
文苑

陸秉鈞字古愚廩生少貧約薪蘇繼晷工舉子業試輒高等後屢躋秋試遂不復踏省門然試於學使者上才藻鑑如故也生徒從之遊鈍者靈浮者實知名士未可僂指計其女夫侍郎徐士芬亦

平湖縣志

卷十七

人物  
列傳三

五十二

受業焉訓以德行道藝卒成大器云

新纂

蔣殿原名濟字叔勉乾隆甲寅舉人工詩善書遊嶺南楚北問著

有敝帚集江行雜詠

府于志  
文苑

王錫圭字翰周號雲莊家貧力學讀書恆至丙夜文無師承自成矩矱嘗六試冠其曹領乾隆甲寅鄉薦客沈文恪邸尋卒年僅三

十六著有禹貢地理考證

府于志  
文苑

張躍鱗字振之號搗庵乾隆乙卯舉人一應禮部試歸而養親不復出從祖景陽嘗輯當湖人文逸各附小傳躍鱗續之邑中抱才不遇之士賴以畧存梗概又助修縣志搜討之力居多著有拙存

居詩集

府于志  
文苑

辜典韶字夔珍號乳谿

恩貢生篤學不倦博覽羣書著有篆隸

備考荻林詩草芸閣文集又精於六書日本嘗求其字刊石者有

普濟庵廟碑咸甯公所碑陰文一篇

府于志  
文苑

鍾簪字山子 恩貢生深於經術力求聖賢用心所在常端坐深

思達旦不寐故所見真切尤精於易著有周易學四卷周易象義

觀通十二卷筮占古例一卷春秋往例質疑二卷今僅存周易釋

十二卷已刊勺泉集詩選二卷未梓

新纂

鄒璟字元培號芷珊諸生援例授職州同性穎敏工詩文爲人通

曉世事乍浦向有九山志體例未備璟發所藏省府州縣志及故

實之散見他書者纂乍浦備志一書於海濱文獻頗爲賅洽著有

南園雜識乍浦竹枝詞

府于志  
文苑

陸樹蘭字敏滌號西廡邑庠生家貧力學性沈靜寡欲多技能擅

## 平湖縣志

### 卷十七

人物 列傳三

### 五十四

六法精篆刻尤嗜爲詩與徐熊飛楊于高袁路先相倡和兄歿事

寡嫂維謹兩弟先卒哭之慟年六十五卒著有抱月軒詩鈔

新纂

張達慶字階六號聽泉誥子附貢生少有文譽詩承其家學人以

小斜川目之嘉慶辛未應

西巡召試被放尋入都援例官光祿寺典簿不逾年引疾歸子衷周力學

早世

新纂

屈宗談字誦先號塵庵增廣生兄宗到宗建俱有傳宗談承其兩

兄指授家貧力學歲科試屢列高等而卒見絀於秋闈館陳氏數

十年從遊者益眾尤精詩賦學所選子史試帖韻蘭賦鈔吳錫麒

祭酒朱方增閣學序以行世品極端方與族兄何炯俱爲一邑式

子家孫家蘅先後食餼家棗家施邑庠生學有淵源俱以詩賦見

賞宗工士林稱之新纂

許河字右清號德水副貢生性和易敦孝友篤好漢儒之學自許鄭以下靡不探討手自鈔錄者不下三四十種著有袁文後案乍

浦續志諸書府于志文苑

馬德音字雨菴少孤力學晷夜納足於甕以避蚊嘉慶甲子舉於鄉爲文硬語盤空自成一格浙西人士翕然從之文風爲之一振遊其門者多擢高第松江黃光焯海鹽趙玉鏘同邑張泰勳皆其高足也江蘇吳侍郎鍾駿未遇時郵文就正德音爲改易二字人稱爲兩字師後春官不第卒新纂

高登奎字文伯號復齋嘉慶甲子舉人大挑二等選授龍游教諭天姿超邁爲文雄驚獨出有辟易千人之概與弟登鰲齊名人目

平湖縣志

卷十七

人物 列傳三

五十五

之爲二蘇登奎抱負奇偉議論意氣凌厲一世詩以氣行不假彫琢古詩尤沈雄悲壯年五十七卒新纂

錢祖亮原名慎字惟寅號訥庵家貧刻厲績學爲文務根柢經史嘉慶庚午舉人旋考補景山官學教習期滿以知縣用不赴選相國吳璥延爲子師邑後進爭受業焉子福昌自有傳祐昌原名裕昌字茂滋號西谿增貢生候選訓導祚昌字萃嘉號辛軒廩膳生

試輒高等文名均亞於父兄云府于志介節

周分寶原名肇姬字詵兮號來雨歲貢生制藝外詩賦行楷兼擅其長弱冠遊庠一試卽冠軍宗工至必邀鑒賞而終見屈於鄉闈家貧授徒自給與人接恂恂有儒者風中年鼓盆不再娶無子所

著詩文已佚新纂

陸丙章原名棠字南坪廩貢生家貧刻苦勵學歲科校冠軍者再援例捐納教職未及選鬱鬱不得志卒

新纂

錢仁榮字協春號雨香少精制藝及長工詩賦而尤長於古夷猶雋永往往耐人尋味極爲儀徵阮文達所賞文達刊輶軒錄仁榮蒐輯最多故聲名噪一時未幾得奇疾卒年止三十六著有菑霞軒詩稿二卷阮文達爲之序

新纂 按乍浦備志載伊杓字懷任號葭村諸生著有水西樓集味古樓

詩存鄒瑚字維垣號薇園庠生著有薇園詩選

俞嗣勳字松坪歲貢生課弟嗣烈成名友愛無間刊有同懷詩稿弟嗣烈字蘭坪道光壬午舉人溫文爾雅著作甚富有讀史一得觀象偶筆地理撮要蒿目編詩文稿嗣子長垣字薇香歲貢生工詩文兼善歧黃術著有淇濱草堂詩稿

新纂

### 平湖縣志

#### 卷十七

人物 列傳三

#### 五十六

徐士偉字恂如號春崖幼穎悟弱冠後忽邁奇疾坐臥一木榻二十餘年性嗜書手不能握卷置書於枕而觀之至耗一目猶苦吟不已工詩浩氣盤鬱獨往獨來著有一枝巢詩鈔

新纂

張金照字月波拔貢生幼聰穎研索先輩詩文心追神悟落筆便如名宿後以力學成疾卒年僅三十有六著有詩文藁十二卷今

已佚

新纂

方垌字思臧號子春嘉慶丙子舉人始工詩出入於唐宋諸大家間中年篤志程朱之書毅然行之雖貧病交迫不顧也攝武義訓導非其義一介不取爲教恪遵小學近思錄反覆曉解士子翕然信從執經問業者滿於庠序邑中耆老以爲百餘年來所僅見云丁內外艱寢苦枕函悉遵禮經服闋後選授錢塘訓導未抵任卒

年四十有三入祀鄉賢祠著有讀易日識六卷生齋自知錄三卷  
生齋日識正續兩卷生齋文稿八卷生齋詩稿九卷春秋說四卷  
重訂張楊園先生年譜五卷子金彪字寅甫諸生亦好學早卒著  
有寅甫日記寅甫小藁府于志  
儒林  
高一諤號益庵嘉慶丙子舉人天才亮特與方垌徐士芬齊名學  
使汪廷珍亟賞之朱壬林觀察稱爲驚才絕艷近時罕有其匹弟  
三祝號藏庵道光癸卯舉人好學不倦著有春秋職官考藏用齋  
詩文集新  
纂  
張湘任字宗輅號笠谿誠子嘉慶己卯舉人事親孝鄉舉後以奉  
母故不赴禮闈者數年博學能文嘉慶辛未應

西巡召試

平湖縣志

卷十七

人物 列傳三

五十七

欽取二等

賞緞二疋充文穎館膳錄著有抱樸亭詩文集以子金鏞炳堃貴累贈至

資政大夫金鏞炳堃俱有傳府于志  
文苑

錢天樹字子嘉號夢廬監生嘉興籍少失怙承母意以質弱不應  
試顧天分極高讀書不求甚解發爲詩古文清超拔俗一抒其情  
性之真與人接抑然自下海內名流往顧之觴詠無虛日工寫竹  
道勁中有逸致尤精於鑒賞凡書畫碑碣以及彝鼎尊壺之屬到  
眼眞贗立判生平仗義輕財戚友以緩急告慨然濟之邑有善舉  
輒輸助以觀厥成著有是耶樓詩稿新  
纂

按天樹籍隸嘉興宜列僑寓今仿王志高士奇吳嗣爵例編列

於此

毛猷字誦葭號柿莊歲貢生少時與徐侍郎士芬丁內翰泰友善有聲庠序間省闈屢薦不售遂博綜墳典著書授徒竹籬茅舍誦聲隱隱出百步外時金平華婁四邑裹糧從遊者接踵悉心講畫時時以行詣相勗年六十餘猶重施黻黻雪鈔露纂字字作蠅頭細楷生平忠信誠篤言動不苟類如此著有引書海錯廣編珠左國聯珠七柿軒隨筆詹詹錄红柿村居詩鈔等集新纂

劉東藩字心葭歲貢生績學工詩文爲諸生試輒高等及門受業者多騰聲庠序所著已佚今僅刊有心葭詩選新纂

陸錫謨字明諧廩生性耿介博學能文深於漢儒之書著有詩經異文考證二十二卷詩經句讀考證一卷清芬館詞二卷府于志文苑

黃金臺字鶴樓歲貢生綺歲遊庠才名噪甚顧困於棘闈十赴秋

### 平湖縣志

#### 卷十七

人物 列傳三

#### 五十八

試遂殫心著述博極羣書學無不貫嘗從武康徐熊飛遊與之上下其議論故所作詩文皆有法度文體宗徐庾而兼通百家江南北士夫之有著撰者弁首之文金臺手筆居多性好交友嘗繪扁舟訪友圖名流題咏者甚眾主講蘆川書院者數年訓後進有法咸豐丁巳臨川李聯琇廷尉督學江蘇延之入幕於是徧歷江淮諸郡嘗登焦山與諸名士宴集振衣千仞俯臨大江作文以紀壯遊生平耿介自守遇流俗人不妄交一言而學有片長則往往爲之延譽鼓勵學之士莫不樂爲親附焉辛酉平湖再陷憂憤成疾卒年七十三著有木雞書屋文集三十卷詩集六卷左國閒吟一卷已刊行今文愜盛藻集未梓新纂

施鏞字蓮峰號蔬巢歲貢生性豪邁好急人之急主社學席四十

餘年問字者接踵著十三經註疏彙纂已佚子汝懋字桐生號笙六由廩生中道光辛卯副車己亥領鄉薦四上春官不第遂家居授徒遊其門者掇巍科如拾芥晚年就金方伯以誠之聘僑寓京江以文字就正者門牆更盛性純孝居喪哭泣目幾盲終以是邁心疾卒著有周易集解辨新纂

沈筠字實甫號浪仙食貧勵節少嗜學以母教遂研索古籍目六經三傳莊屈馬班而下莫不漁獵菁英以發抒其文藻晚歲敦重名教凡忠義節烈之事及耆舊詩文殫心採輯今賴以存者皆筠表揚之力也著有乳水流芳錄一卷瑤池冰雪編一卷壬寅乍浦殉難錄一卷龍湫嗣音集十二卷守經堂詩集十六卷俱刊行於世靖蛉州外史十二卷日本紀畧一卷海上文徵八卷滄海珠編

## 平湖縣志

### 卷十七

人物 列傳三

五十九

二十四卷守經堂困學錄八卷未梓新纂

陸鎔字春林庠生少穎慧績學工詩師事武康徐熊飛與林壽椿齊名熊飛顏觀海書院之講舍曰春雪廬蓋於二子有深契焉鎔早卒詩文散佚今僅存春林詩選一卷新纂

林壽椿字雪巖廩膳生勵志下帷窮究經史工詩古文詞爲徐熊飛高弟性廉靜恭遜人咸敬之晚年隱居東溪以詩文請質者因材造就里之人咸沐其教澤焉著有菊泉山館詩文集八卷新纂

高蘭曾字楚薌號芝亭庠生好讀書雖祁寒暑雨輒手一編忘倦善病工詩文年未三十卽棄舉子業專心學古詩出入於三李韓蘇樂府直浸淫漢魏著有自娛瓦釜等集新纂

時樞字慎子號森巖一號秋鶴廩貢生授餘杭訓導窮年力學期

以通經致用嘗以漢儒毛氏亨有功詩教上書大府奏請從祀云 畧

毛氏亨者毛氏萇之師也生於秦世乃詩學絕續之交藉非毛亨記誦何由避秦火之焚鄭氏康成詩譜稱大毛公為訓詁傳於家河間獻王得而獻之以小毛公為博士據此則詩傳明是亨作非萇作也孔氏穎達亦言亨為詩傳由小毛公而題毛詩則是顯著其師姓也因唐貞觀二十二年以下子毛萇等二十有二人從祀孔庭獨遺毛亨舛漏一時誤襲千古

格於吏議同

治癸亥奉

旨以毛亨從祀足見樞持論在先非無卓見樞事親盡孝母病日久樞研

究岐黃得其奧治之卒復明得黃文端公遺像勒石洞霄宮後閩

中刻忠端集即用石本摹勒卷首精樂律學中樂器次第修整使

弟子肆習焉旋卒於任著有禹貢述詁詩經說志等集新 纂

柯汝霖字巖臣號春塘道光辛巳舉人出高郵王文簡之門以大

挑任錢塘教諭立教約十條士風不振從遊亦日衆伊孝廉樂堯

平湖縣志

卷十七

人物 列傳三

六十

得其指授遂以經義馳名兩浙後歷任武義富陽東陽烏程亦如之光緒已卯重赴鹿鳴奉

旨賞加五品銜生平著述等身大小四十餘種其最著者古韻廣證三

家詩異字通證儀禮古今文釋春秋官制考春秋世系圖考晚尤

精易有周易鄭註釋義周易解誼兩書新 纂

趙玉鏘字朵山海鹽籍道光壬午舉人性謙謹課徒循循善誘為

文經緯經史闡墨膾炙人口與武康徐金鏡同榜邑諺云股中論

變徐金鏡講下提難趙玉鏘其文譽徧大江南北詮授浦江縣教

諭卒於官新 纂

楊懋麇原名堯杰字西麓號友鹿幼聰穎好學不倦弱冠遊庠遂

領道光辛卯 恩科鄉薦七上春官六薦不售援例捐直隸州州

同旋主講觀海書院暨嘉善楓溪書院生平詩文外工於倚聲著  
有閒雲潭影詞稿新纂

俞維墉字公堅號雲屏道光壬辰舉人大挑知縣因養親改教職  
旋選授會稽教諭未抵任卒性誠樸好讀書尤工八法嘗於新溪  
之姚潭村植桑三百餘株結廬讀書其中著有介福堂詩文集新纂

伊佐圻字鐵耕負才績學年少得盛名道光己亥登賢書屢上春  
官不第益肆力於詩詞尤工樂府一時爲之紙貴著有鐵耕詩詞  
集六卷今已佚新纂

馬承昭

原名 俗

字侗卿道光己亥舉人性孝友以筆耕娛親課弟成

立親歿急謀窀穸得免兵燹同治癸亥籌辦蘆川善後事宜凡濬  
河駕橋禁止劫奪婚嫁諸善舉一一首先克勤克慎嘗慮童蒙就

### 平湖縣志

#### 卷十七

人物 列傳三

六十一

塾時專力於經不諳諸史爰輯廿二史發蒙一編其當湖外志正  
續編府許志多所取裁焉年七十五卒著有白榆村舍記事稿新纂

陸敦倫字思對號一帆道光庚子舉人少入太學性落拓不事生  
產精於弈暇輒手談竟日塵生几席泊如也文極刻摯侍郎徐士  
芬視學粵東聘請襄校所拔皆知名士踏鄉闈者十八次年五十  
四始登賢書晚歲主講當湖書院啓迪有法卒年七十一著有粵

### 遊草

新纂

王均字平治號夢閣歲貢生負雋才七列高等五膺首薦而卒因  
場屋生平搜訪文獻甚勤見鄉先哲遺集積鈔至三百餘家彙爲  
柘上遺詩續編爲人性極和雅而勇於爲善嘗獨力建東湖濱石  
梁著有暢真機室詩稿夢閣謎語兩卷新纂

平湖縣志

卷十七

人物 列傳三

六十二

有春暉堂文集

新纂

顧廣譽字豫康號訪溪咸豐壬子優貢生撫臣應

詔薦舉孝廉方正以疾辭不赴廣譽少卽有志正學言動不苟居父母喪  
盡哀盡禮一遵古制與同里方垆爲道義交垆卒於省邸廣譽奔  
護其喪復爲醵金刻其遺書生平於制舉業不苟作每試輒冠其  
曹學使吳鍾駿尤以經術文章相契重旣絕意仕進益肆力於古  
自漢唐以來儒先疏義并宋元明諸儒暨張楊園陸清獻各遺書  
博觀約取反已自得而精力尤萃於毛詩家貧授徒自給四十餘  
年晚主講上海龍門書院嘗謂教術不可不慎若師道不嚴他日  
登之仕籍必無可觀故其誨人也尤以正心術爲先卒年六十八  
入祀鄉賢祠著有悔過齋文集十四卷學詩詳說三十卷正詁五

卷已刊行四禮權疑八卷鄉黨圖考補正四卷未梓新纂

顧敬脩原名棨字篆香 恩貢生秉性謙恭未嘗臧否人物工帖括尤擅古學歲科校冠軍者再列高等者十九次乳谿之掇巍科者累出其門下暮年主講觀海書院著有小玉山房詩文集新纂

顧邦杰號蓉坪邑廩生工舉子業累踏鄉闈終不第性和雅雖接卑幼未嘗以嚴峻之氣待之與王方伯大經黃明經金臺相友善樽酒論文老而彌篤學詩於武康徐熊飛工爲五言體冲夷綿邈深得王孟韋柳家法晚年得足疾猶講學不倦著有橫山草堂詩

集新纂

張定閏字嘯夫附貢生試用訓導童年畢讀十三經試卽冠軍嘗集竹林詩社與兄子金鏞侍講炳堃都轉輩晨夕唱和爲士林佳

平湖縣志

卷十七

人物 列傳三

六十二

話性喜書積卷累萬觀名人書畫立辨真贗有錢天樹風醫理得諸婦翁周如春治病輒效著有望雲樓焚餘草四卷新纂

鍾步崧字穆園庠生工詩詞駢體文善寫梅蘭爲時所重著有夢

琴山館詩詞稿新纂

朱錫山字魯東自號雀橋布衣少失怙讀四子書畢舍經而鋤力田以養母年三十五復理舊業爲童子師暇輒吟詩得力於白鵠

山房而上追唐宋著有朱布衣詩鈔新纂

張嘉鈺字文炳號采言早孤勵學工詩文嘗奔走吳楚間無所遇嗣以母老不賦遠遊授徒於乍與二三同志登臨酬唱爲樂其胸

襟曠逸如此著有晚香居詩鈔四卷清溪竹枝詞一卷新纂

江麟瑞字仁卿少孤事母孝筆耕以供甘旨遊庠後歲科試屢列

前茅旋食餼文譽鵠起內閣學士錢福昌視學汴中聘請襄校遊  
汴二年學益進道光已酉領鄉薦再上春官不第遂家居教授二  
十年不與外事晚歲主講當湖書院以疾卒

新纂

錢祖蔭字莆生號壬橋歲貢生學問深邃書法蒼秀求書者盈門  
性高雅風裁峻整慨世風奢侈一以樸誠爲主族之未葬者葬之  
晚歲掌教當湖社學專心督課不與世外事撰述之餘兼工長短  
句手訂水梅軒劄記水梅軒詩詞若干卷

新纂

方釗字友鶴號小舟少卽工文沈靜簡默能自刻勵故其爲文以  
淵微之思運堅卓之筆一洗時下浮靡之習教諭許乃裕大加獎  
譽由是文名鵠起以副貢膺咸豐辛亥鄉薦經藝尤爲主司稱賞  
屢上春闈不得志乃援例得刑部主事需次京師不二年乞假歸

### 平湖縣志

#### 卷十七

人物 列傳三

六十四

釗與弟鈞友愛甚摯少同學長同遊旣同舉於鄉其生平出處之  
節亦大畧相同尤崇儉約雖境遇豐厚而自奉不殊寒素故爲人

所稱云

新纂

陳其昌字振之號梅生副都御史嗣龍孫邑廩生早歲喪母嘗作  
陟屺咏懷圖以見志爲文精心研鍊力矯凡庸同里朱觀察壬林  
亟稱賞之歲科校必列前茅七踏鄉闈雖屢薦而仍不得志粵匪  
之亂憂憤成疾卒生平尤長於詩古風力摹李杜有慷慨激昂之  
致其近體則工整秀麗不讓錢劉著有梅生詩稿已佚

新纂

劉其清字韞珊號蘊山少穎悟績學能詩文補博士弟子員第一  
弱冠卽以工書名臺灣道吳大廷聘掌書記多所贊畫以平叛番  
功授訓導加中書科中書銜旋從大廷至滬瀆研究西學操練兵

輪爲名卿大夫所賓禮後客死京師士林惜之著有覆瓿草一卷

新纂

平湖縣志

卷十七

人物  
列傳三

六十五